





891.99

24

✓

F-37

1

# ԲԱՐԵՊԱՇՏ ՄԱՐԴԻԿ

Ս. Բ. Ա. Կ

ՉԱՓԱՀԱՍՆԵՐԻ ՀԱՄԱՐ

ԳԷՈՐԳ ԲԵՐԹՈՒԳԵՐԵԱՆՑԻ

7072

A I / 16974

ԹԻՖԼԻՉ

Յ. Մարտիրոսեանցի տպարան  
ՅՐԵՆԵԱՆ ՓՈՂՈՑ, Ց. 112

1889

37

891.99 | 2072

F-37 | *Ем...*

Биргитцс УИП


2-14 УП-УЧ

19/80 13

41 26/VI/61

Типог. И. Мартиросіанца, на Орб. ул., д. № 1/2

~~12725~~



**ԲԱՐԵՊԱՆՏ ՄԱՐԴԻԿ**

MEMORANDUM

FOR THE RECORD

DATE

BY

FOR

TO

BY

ՆԱԽԵՐԳԵՆՔ:



Եր ծերերը առ հասարակ  
Գոլում են հին ժամանակը,  
Ասում են, թէ փոխուեց աշխարհք,  
Ապականուել են մարդիկը:  
Չկայ այժմ ճշմարտութիւն,  
Թագաւորում է ստութիւն,  
Հաւատ, յոյս, սէր էլ մի հարցնի  
Այժմ ապրող սերնդիցը,  
Ասում են, թէ շատ չի անցնի,  
Կրակ կըթափուի երկնքիցը,  
Կամ ջրհեղեղ կը պատահի,  
Էլ հեռու չէ վերջն աշխարհի:

Ողորմութիւն, պատարագ, ժամ  
Այժմ աւելորդ համարվում են,  
Աղօթք անել մինչև անգամ  
Մարդիկ, կարծես, ամաչում են.  
Մուռացել են ծոմն ու պասը,  
Նոցա վնաս է լօբէսպասը.  
Այդ պատճառով էլ մեզ վրայ  
Տէր Աստուածը բարկացել է,  
Մեր կերակուրն ամենօրեայ  
Հացն ամեն տեղ թանկացել է:  
Մէկ տեղ կարկուտ, միւս տեղ հեղեղ,  
Երաշտութիւն, մուկն ու մօրեխ.  
Գետինն անգամ մեր ստի տակ  
Էլ հաստատ չէ, տատանում է,  
Այստեղ մի դիւղ, այնտեղ քաղաք  
Երկրաշարժը կործանում է:  
Ապահով չենք մի օր, մի ժամ.  
Խօրեր, ժանտախտ, մա՛հ տարածւած  
Էլ չեն ինչպիսի մեծ ու փոքրին.  
Էլ ո՞րն ասենք, ո՞րը պատմենք,  
Ի՞նչ վա՛յ տանք մեր թշուառ օրին,  
Մեզ ճար չկայ, կորած ենք մենք:  
Մարդիկ միմեանց էլ չեն խղճում,  
Սրով, կրակով միմեանց ջնջում,



Երկնքումն էլ ամեն տեսակ  
Երևում են վատ նշաններ,  
Կամ խառարում է արեգակ,  
Կամ ծագում են պոչով աստղեր:  
Մի խօսքով շատ վատ է բանը,  
Փօտ է ահեղ դատաստանը:...

Այսպէս, կամ թէ սորա նման  
Մերերը շատ բան են ասում,  
Հին ժամանակը ափսոսում,  
Նորը համարում անպիտան.  
Թէպէտ յայտնի է պատճառը,  
Քայց չեմ ասում, որ իմ ճառը  
Չափիցը դուրս չերկարանայ,  
Եւ կարգացողը ձանձրանայ:  
Ես չեմ ուզում մին մին հերքել  
Մեր ծերերի գանգատները,  
Ոչ միտք ունիմ տաղեր երգել,  
Գովելով մեր արատները:  
Ոչ, այդ չէ իմ նպատակը:  
Եւ ինչ օգուտ դուր աշխատել,  
Ապացուցներով հաստատել,  
Որ հիմիկուայ ժամանակը

Հնից եթէ լաւ չէ, փատ չէ.  
Կրկնում եմ, որ ուղածս այդ չէ:  
Թէպէտ, ինչպէս Հին ժամանակ,  
Այժմ էլ շատ կան խոտաճարակ  
Բարեպաշտներ, որոնք ժամից  
Իրանց օրում լետ չեն մնում,  
Ինչպէս թուրքը խողի մսից,  
Պաս օրերին պանրից փախչում,  
Հրապարակումն են ողորմած,  
Բազմութեան մէջ, եկեղեցում  
«Մեղա» կանչում, կուրծքը ձեծում,  
Գոցա Համար էր, որ ասաց  
Տէրը. «այն իսկ են վարձք նոցա»:  
Բայց չեմ ուզում դիպչել դոցա,  
Այլ ուզում եմ ես ձեզ պատմել  
Մի պատմութիւն, ոչ առասպել,  
Որ լսել եմ այս օրերում  
Իմ մի շատ լաւ բարեկամից,  
Եւ դուր կրգայ, չեմ կասկածում,  
Ձեզ էլ, ինչպէս դուր եկաւ ինձ:

---

## Ա.



Ին ժամանակ մի քաղաքում  
Ապրում էր մի վաճառական,  
Որ մի անգամ հարսանիքում  
Տեսաւ դրացու սիրուն աղջկան:  
— Այն ժամանակ հիմիկուայ պէս  
Չկար կուր, թատրոն, կրկէս,  
Ինչտեղ աղջիկն ու տղան իրար  
Ունենային տեսնելու հնար.  
Այն ժամանակ միայն այդ տեսակ  
Ընտանեկան հանդէսներում  
Տեսնվում էին արք և կանայք,  
Կամ թէ ուխտատեղիներում:

Բայց այդ յայտնի է ամենքին,  
Ըյժմ էլ յատուկ արևելքին.  
Գորա վերայ շատ չկանգնենք  
Եւ մեր խօսքը շարունակենք:

Օրիորդը այն հանդիսին  
Տալիս էր մի առանձին փայլ,  
Ինչպէս տասն հինգ օրուայ լուսին  
Պարզ երկնքին աստեղափայլ:  
Գեղեցիկ էր նորահարսը,  
Կային նոյնպէս նորա տարսը  
Սիրուն կանայք և աղջիկներ,  
Բայց ամենքից նա նաղիկն էր:  
Բոլոր հիւրերը հիացան  
Նորա գեղով չնաշխարհիկ.  
Խոստովանելով միաձայն,  
Թէ նա բնութեան է հրաշալիք:  
Բայց երբ պարը ըսկսուեցաւ,  
Եւ հարսից լետ հերթը անցաւ  
Գեղեցկուհուն մեր աննման,  
Էլ հիացման չկար սահման:  
Նորա ոտը փոքրիկ, քնքոյշ,  
Կարծես դիպչում չէր յատակին,

Նա սահում էր թեթև, անուշ  
Նման անմարմին մի հրեշտակին.  
Մէկ սլանում էր նա արագ,  
Եւ մէկ թեքում մէջքը բարակ,  
Յանկարծ կանգնում ու օրօրվում,  
Ապա նորից թևաւորվում:  
«Պաշեմ, աղջի, թշիւ ւարդը»,  
Մտածում էին շատերը.  
«Գերերջանիկ է այն մարդը,  
Ում կրնձայես դու քո սէրը»:  
Պարն աւարտեց մեր սիրունը,  
Ընկերուհուն դիտով արեց.  
Յափշտակուած բազմութիւնը  
Յնձաց, անվերջ ծափահարեց:

Վաճառականը կանգնած էր,  
Կրկարձէիք կախարդած էր:  
Սիրոյ փոքրիկ աստուածիկը,  
Այն խորամանկ նետաձիգը,  
Որ կոչվում է Էրոս, Ամուր  
— Նորան ծնաւ Աֆրոդիտը —  
Չգեղ էր իւր աղեղն ամուր  
Եւ խոր խոցել նորա սիրտը:

Այնուհետև քնած, արթուն  
Խեղճը չունէր հանգստութիւն.  
Մոռացաւ իւր բան ու գործը,  
Միշտ չափում էր այն փողոցը,  
Ուր բնակում էր իւր սիրելին,  
Աշխատում էր մի հնարքով  
Արժանանալ նորա տեսին,  
Եւ երջանիկ, ուրախ հոգով  
Երեկոյեան դառնալ իւր տուն,  
Եւ լուսացնել զրէ թէ անքուն,  
Որ միւս օրը էլի կրկնէր,  
Ինչ որ երեկ նա արել էր....

Մանրարարոյ և գործի տէր  
Մարդուն անշուշտ է անվայել,  
Պարապ սարափ ամբողջ օրեր  
Փողոցներումը թափառել:  
Բայց սէրն ում չէ լիմարացրել,  
Ո՞վ չէ նրանից խելքը կորցրել,  
Ո՞վ է այնքան տէր կրքերին,  
Որ գիմնալ նրա հրատուրներին:  
Թէ պատանուն գիւրազրգիւ,  
Թէ ձերունու սրտին թառամած

Նորա նետերը անխտիր  
Միշտ տուել են քնքոյշ Հարուած:  
Ատուածները մինչև անգամ  
Հնազանդուել են յօժարակամ  
Սիրոյ կամքին և հաճոյքին,  
Ծարաւելով նրա վայելքին:  
Ուրեմն մի դատիր դու խիստ,  
Ո՛վ ընթերցող, իմ հերոսին,  
Եթէ քո սիրտն է դեռ հանգիստ  
Եւ դեռ նուիրուած չէ Էրոսին:  
Հաւատան ինձ, որ եթէ քեզ  
Հանդիպէր կոյս մի նորա պէս,  
Նորա միակ քաղցր հայեացքին  
Կըզոհէիր կեանքդ անգին:

Եւ իրաւ որ այնպէս քնքոյշ,  
Դեղեցիկ էր այն աղջիկը,  
Այնքան չքնաղ, այնքան անուշ  
Էր բոլոր նորա անձնիկը,  
Որ տեսնողը հիանում էր,  
Խելքը գլխիցը գնում էր:  
Հասակը բարձր, մէջքը բարակ,  
Արմաւենին ձեզ օրինակ,

Կրակով վառուած սև աչքերը  
Երջանկութիւն էին խոստանում,  
Նորաբաց վարդ շրթունքները,  
Կարծես համբոյր էին խնդրում:  
Բայց իմ գրիչը շատ տկար է,  
Որ սիրունին ճիշտ նկարէ:  
Նորա գեղեցկութեան վայել  
Վրձին ունէր միայն Ռաֆայէլ:  
Իսկ ես երգիչս աննշան  
Ի՞նչպէս պիտի վստահանամ  
Լինել նորա պատկերահան:  
Որովհետև, որքան ոյժ տամ  
Իրչիս, զխտեմ, որ չեմ կարող  
Նրան արժանի հիւսել ներբող:  
Միայն կասեմ, որ Աստղիկը  
— Այսպէս էր կոչվում աղջիկը —  
Համարվում էր իւր սեռի զարդ,  
Նրան հաւասար պաշտում էին  
Թէ ծեր և թէ երիտասարդ.  
Բայց դառնանք մեր սիրահարին:

Գիշեր ցերեկ «այն» ու «վախով»  
Նա անցկացրեց ամբողջ տարին,



Բայց վերջը էլ չտանելով  
Սիրոյ սաստիկ տանջանքներին,  
Մի օր վճռեց մարդ ուղարկել  
Աղջկայ Հօր մօտ, առաջարկել,  
Որ գեղեցիկ իւր Աստղկին  
Համաձայնի տալ իրան կինն:  
Ի՛նչպէս խնդաց, ի՛նչպէս ցնծաց  
Սիրտը մեր խեղճ սիրահարի,  
Երբ յետ դարձաւ նրա ուղարկած  
Մարդն և բերեց Համբաւ բարի:  
Աղջկայ Հայրը նորա բերնով  
Ապսպրում էր, թէ նա սիրով  
Համաձայն է իւր Աստղկին  
Տալ պատուական իւր դրացուն կինն,  
Միայն առաջ կրխօսի նա  
Այդ մասին իւր աղջկայ Հետ,  
Եւ ինչ պատասխան որ ստանայ,  
Կըհաղորդէ միւս օրն և եթ:



Ընթերցողը չգարմանայ  
Ամենևին այս բանի վրայ,  
Որ ծերունին միջի մարդուն  
«Այ՛ո», կամ «ո՛չ» չասաց իսկոյն:

Թէպէտ Հին անցք եմ պատմում ես,  
Գովարանած Հին օրերից,  
Երբ որ զաւակը ստրկի պէս  
Չէր շեղվում իւր ծնողի կամքից,  
Երբ որ Հնազանդ Հօրն ու մօրը,  
Հարսն ու փեսան պսակի օրը  
Տեսնում էին իրար դէմքը.  
Բայց և այնպէս նոցա շէմքը,  
Չէր կոխում նենգ Հրատուրիչը,  
Տանն իշխում էր փոխադարձ սէր,  
Չէին խաղում քոծն ու բիջը  
Ընտանիքում առանձին գեր:

Այն ինչ Հիմա, մեր օրերում,  
Մեր լուսաւոր կոչուած դարում  
Եղջիկն ու տղան վաղուց արդէն  
Մէկ մէկու Հետ լաւ ծանօթ են:  
Կուրսերի դաՀլիճներում  
Պօլկան, վալսը ու մազուրկան,  
Իրար գրկած թեթեւ պարում,  
Ելլ և երբեմն լէզգիներկան.  
Նոքա կարդում են միասին,  
Զբոսնում, երբ որ փալլում լուսին,

Որ վերևից լսիկ, մնջիկ  
Զատ է տեսել նոցա պաշիկ:  
Այսպէս ահա աղջիկն ու տղան  
Ճաշակում են սիրոյ ծուծը.  
Եւ ապա թէ ամուսնական  
Ընդունում են ծանր լուծը.  
Բայց չէ անցնում և վեց ամիս,  
Արդէն ուտում են իրար միս.  
Մարդն ուրիշ կնոջն է սիրահար,  
Կինն էլ նորան շինում արջառ:  
Սակայն պէտք է խօստովանիմ,  
Բոլորն էլ չեն նոցա նման,  
Քանի մի գոյգ հաւատարիմ  
Ամուսիններ հիմա էլ կան:

Գուցէ շատերն այս խօսքերից  
Իմ մասին թիւր կարծիք կազմեն,  
Խաւարապաշտ համարեն ինձ  
Եւ հնամոլ ինձ անուանեն:  
Հաւատացէք, որ ես հնին  
Ջատագով չեմ ամենևին,  
Եւ անպայման էլ չեմ կարող  
Նորին լինել պախարակող:



Ինչպէս Հինը, նոյնպէս նորը  
Լաւ, վատ կողմեր ունին անթիւ.  
Թէ նոցանից արդեօք ո՞րը  
Պիտ' համարենք նախապատիւ,  
Ես այդ հարցին ծանրակշիռ.  
Հրաժարվում եմ տալ իմ վճիռ,  
Եյլ թողնում եմ ամեն մէկին  
Ընտրել յարմարն իւր ճաշակին:  
Չեմ ասում, թէ երիտասարդ  
Մարդիկ իրար հետ չպարեն,  
Ծաղկափթիթ, մատաղ ու գուարթ  
Հասակում փակ կեանք պիտ' վարեն.  
Ո՛չ, այլ կասեմ. աղջիկն ու տղան  
Դիւրաբորբոք նիւթերի նման  
Պէտք է խնամով և զգուշ պահուին,  
Որ մի գուցէ յանկարծ վառուին:

Վերն ասացի, թէ ճերուկը,  
Հալառակ Հին սովորութեան,  
Կամեցաւ, որ Աստղիկն ինքը  
Վճռէ հարցն իւր ամուսնութեան:  
Որովհետև գիտեմ, պիտի  
Չատերին թուի օտարուտի,

Որ ծերունին իւր աղջկան  
Իրաւունք է տալիս այդքան,  
Ուզում էի այդ հասարակ  
Երևոյթը կարճ բացատրել,  
Բայց սկսեցի երկար բարակ  
Հին ու նորի վերայ ճառել:  
Յանցաւոր եմ. բայց ինչ արած,  
Ընշուշտ լսել էք այս առած.  
«Երբ աշուղի խաղը պակսի,  
Նէյնիմ նէյնիմը կրսկսի»:

Երբեմն ինձ էլ է պատահում  
Վինել այդ նեղ դրութեան մէջ,  
Սկզբում խօսքս թեթեւ սահում,  
Կատարելով լաւ ել և էջ,  
Եւ խրախուսուած լաջող սկզբից,  
Մխիթարում եմ ինքս ինձ,  
Թէ կրգրեմ այնպիսի բան,  
Որ ամենքը կըհիանան:  
Բայց դեռ մէջ տեղը չհասած,  
Յանկարծ ցրվում են մտքերս,  
Եւ յուսահատ տեղս նստած  
Կրճում եմ միայն եղունգներս:

Կրում, ջնջում, նորից սկսում,  
Չեռս ճակատիս եմ քսում,  
Գինի խմում, ծխում գլանակ,  
Փորձում այս ու այն եղանակ.  
Սակայն ի դուր չարչարվում եմ,  
Էլ առաջ չէ գնում գործը,  
Եւ վերջապէս հրաժարվում եմ  
Զարունակել ունայն փորձը:  
Վախենում եմ նոյն վիճակը  
Ռենենայ և այս առակը,  
Գորա համար լաւ է կրկին  
Գառնամ ծերին ու Աստղկին:

Ուրեմն, ինչպէս լալտնի է ձեզ,  
Ծերը դրացու առաջարկին  
Պատասխանեց, թէ նախապէս  
Կըհարցնէ իւր Աստղկին.  
Թէ իւր կողմից արդելք չկայ,  
Միայն թէ նա իւր աղջկայ  
Ազատ կամքին է թողնելու,  
Իւր վիճակը որոշելու:  
Թէպէտ ծերը ճանաչում և  
Հաւանում էր իւր դրացուն,

Եւ յարգում էր նորան իբրև  
Իւր պատուարժան քաղաքացուն,  
Որ հարուստ էր, ժիր և արի,  
Բարքով համեստ, սրտով բարի,  
Տեսքը զբաւիչ և դուրեկան,  
Ինքն էլ երսուն հինգ տարեկան.  
— Ո՞վ ինձ հետ չի համաձայնի,  
Եթէ մարդ է օրինաւոր,  
Որ պարոնը ըստ ամենայնի  
Փեսացու էր արժանաւոր—  
Բայց և այնպէս մեր ծերունին  
Հարցը թողեց աղջկաւ վճռին,  
Թէև լաւ զխտէր, ի հարկ է,  
Ատողիկն իւր կամքը կը յարգէ:

Ես չեմ ուզում մեր ծերուկին  
Ներկայացնել աղատամիտ.  
Բառն այս յայտնի չէր ոչօքին  
Նրա օրերում բիրտ ու կոպիտ,  
Գա ծնունդ է մեր ժամանակի,  
Սիրած բառ մեն մի համբակի,  
Որով յայտնած գաղափարը  
Յաւիշտակել է մեր գարը:

Գաղափարը, գիտէք դուք էլ,  
Չատ վսեմ է, ազնիւ, բարի.  
Գա պատուիրում է մեզ չարգել  
Իրաւունքը մեր ընկերի:  
Քայց ինչպէս շատ ճշմարտութիւն  
Աղաւաղել է մարդկութիւն,  
Ազատամիտ բառն էլ նոյնպէս  
Հասկանում են մարդիկ պէս պէս:


**Մ**էկը հերքում է ամեն բան,  
Ինչ որ դարերով սրբուած է,  
Հայհոյում է սորան, նորան,  
Թէև ինքը մրոտած է:  
Ուրիշի ինչքն չափշտակողն,  
Հրապարակով անառակողն,  
Իւր ամուսնուն խարոզ կինը,  
Գուրսը շնացող ամուսինը,  
Անհնազանդ և վատնող սրգին,  
Ծոյլ և լանդուզն աշակերտը,  
Ապտակողը վարժապետին,  
Գրչավաճառ լրագրապետը,  
Ժողովուրդի հովիւն արթուն,  
Որ լաճախում է գինետուն,



Պատեալ կերպով, incognito,  
Հագնուած իբրև լօթի, կինոս,  
Նաև ըմբոստ Հաստագլուխը  
Եւ այլ դոցա նման մարդիկ,  
— Աստուած մարէ նոցա ծուխը—  
Եթէ Հարցնես նոցա կարծիք,  
«Զի Մատուծոյ ոչ երկնչին,  
Ի մարդկանէ ոչ ամաչին.»  
Կասեն, թէ մենք ենք պարզամիտ,  
Իսկ իրանք են ազատամիտ:

Ուրեմն, ինչպէս ասացի ես,  
Ազատամիտ չէր մեր ծերը,  
Թէև վարվում էր նա այդպէս,  
Քայց պատճառն էր աղջկայ սէրը:  
Դուք լաւ գիտէք. առ Հասարակ  
Երբ ծնողն ունի միակ զաւակ,  
Այն ժամանակ ոչ թէ ծնողը,  
Այլ զաւակն է տանն իշխողը:  
Իբրև միակ զաւակ իւր Հօր,  
Նորա միակ ուրախութիւն,  
Մեր Աստղիկը ճշմարիտ որ  
Հօր վրայ ունէր ազդեցութիւն:

Նորա ամեն մի հաճոյքը  
Միշտ կատարում էր ծերուկը,  
Վախենալով, որ մի դուցէ  
Քնքոյշ աղջկայ սիրտը խոցէ:  
Անրնական ոչինչ չկայ  
Այտեղ և պէտք չէ զարմանալ,  
Եթէ ծերը իւր աղջկայ  
Ուղեց նախ կամքը իմանալ  
Եւ համաձայն նրա ցանկութեան  
Վճռել հարցը ամուսնութեան:—  
Բայց բաւական է, վերջացնեմ  
Այս գլուխը և նորին անցնեմ,  
Թէ չէ կասէ ընթերցողը.  
«Չատ երկար է և անհեթեթ».  
Ես էլ գրում եմ վերջին տողը  
Ահա և դնում եմ վերջակետ:



Բ.



արկեշտասուն, Համեստափայլ  
 Յրիորդներ ու տիկիներ,  
 Ազնիւ, խոհեմ, զիտուն և այլ  
 Հաւ յատկութեան տէր պարօններ,  
 Դուք ամենքդ, որոնք արժան  
 Դատէք կարգալ այս գրուածքը,  
 Մի ենթարկէք խիստ քննութեան  
 Սորա ոճը ու հիւտուածքը:  
 Արևն անգամ չէ անարատ,  
 Կորա վրայ էլ բծեր կան շատ:  
 Մահկանացուն այս աշխարհում  
 Միշտ եղել է մեղանշական,

Բայցի Պապից, որ նորերում  
Հռչակուեցաւ անսխալական:  
Բայց երևի, թէ սուրբ Հայրը  
Մոռացել է Փրկչի խրատը,  
Որ ասում էր, թէ եղբայրը  
Չկատարէ եղբոր դատը:  
«Ջի տեսանես զշիւղ յական  
Եղբոր քո և ի քում ական  
Զգերանդ ոչ տեսանես»:  
Ահա Տիրոջ բուն խօսքերը,  
Որ լիշեցնում եմ նորան ես  
Եւ լուանում իմ ձեռները:  
Ուրեմն, ազնիւ ընթերցողներ,  
Խնդրում եմ ինձ խիստ չգատէք,  
Եթէ տեղ տեղ անհարթ տողեր  
Գրուած քիս մէջ կրնկատէք:  
Գորա Համար մի լաւ խօսք կայ.  
«Licentia poetica».

Բայց ինչի ինձ այս բանն իգուր  
Այսքան պիտ' անհանգստացնի,  
Միթէ առակս Հազար ու բիւր  
Մարդկանց ձեռք պիտի անցնի:

Յայտնի է, որ առ հասարակ  
Հայ ազգը չէ ընթերցասէր,  
Կարծես իդուր բազմավաստակ  
Սուրբ Մեսրոպըրը հնարեց տառեր.  
Գուտտէնրէրդի գիւտից անմահ  
Հայերը չեն քաղում շատ շահ:  
Գիրք կարգալը դեռ մեզ համար  
Պիտուք դարձել չէ կենսական,  
Թէև արդէն քանի մի դար  
Ունինք մամուլ տպագրական:  
Մենք լրագիրներ ունինք նոյնպէս,  
Ըմենօրեայ մինչև անգամ,  
Քացից դալիս են նոքա հանգէս  
Մի եօթնեկում երեք անգամ.  
Օրագիրներ ունինք նաև,  
Որը ծանր, որը թեթև,  
Եւ դոցա հետ քանի մի հատ  
Լոյս են տեսնում տարէնր գիրք,  
Որոնց մէջը թէ քիչ, թէ շատ  
Երևում են քանքար ու ձիրք:  
Քացից ապրանքն այդ հայի համար  
Գին չունի և չէ պիտանի,  
Լաւ է, թէ մի մանրավաճառ  
Քաշով դնէ փաթաթանի:

Անմխիթար մի երևոյթ:

Այն:— Բայց այդ Հային չէ փոյթ:

Առսաւորեալ կոչուած դասը  
Հայերէն չէ կարգում երբէք,  
Գրագ կըգամ մէկին տասը,  
Եթէ ասածս կըհերքէք:  
Եւ եթէ այդ ընտրեալներից  
Եւ այնպիսի կան անհատներ,  
Որոնք, ստիպուած լսի պատշաճից,  
Երբեմն առնում են Հայ գրքեր,  
Կամ ի պատիւ բարեկամին  
Բաժանորդ են մի օրագրին,  
Սակայն, գիտեմ, որ չեն կարգում,  
Թերթերն անգամ չեն կտրտում:  
Դարիս գաւակ, կրթուած Հային,  
Հայ միտքը չէ հետաքրքրում,  
Գրականութեանը ազգային  
Ծանօթ չէ նա, չէ համակրում:  
Եւ ինչ սնունդ բարոյական  
Մեր պարօնին intelligent  
Կարող են տալ «Քնար Հայկական»,  
«Առուածադիկ», «Նամուս» կամ «Խենթ»:

Ուրիշ բան են եւրոպական  
Հեղինակներն անգուղական,  
Վիկտոր Հիւգօ, Զօլա, Գօդէ,  
Չէկսպիր, Բայրն, Չիլլէր, Քէօտէ,  
Որոնց անմահ գրուածները  
Հիացնում են ընթերցողին,  
Վսեմ ոճը, դարձուածները  
Յափշտակում միտքն ու հոգին:  
Այդ այգայէս է, և դորա դէմ  
Ո՛վ կարող է ասել մի բան,  
Միայն այս էլ հաստատ գիտեմ,  
Որ ամենքն էլ չեն լեզուաբան  
Լուսաւորեալ մեր հայերը,  
Եւ զմայլում են շատ շատերը  
Երևմուտքի գրականութեամբ,  
Ոչ հայ, այլ ռուս թարգմանութեամբ:

Իսկ այն դասը, որ չէ առել,  
Գպրոցական կարգին ուսում,  
Այր ժէ ճէ ռա է սովորել,  
Միայն հայերէն կարգում, խօսում.  
Որ սկսել է իւր ուսումը  
Երևելի հեղաբանից,

Ուր անդրանիկ երեսուժը,  
Ճակտին տպած է. «խաչ, օգնեա ինձ»:  
Յետոյ սերտել է «Մի կանոն»,  
Ուտելով շատ ճիպտտ, քանոն  
Բազմահմուտ և բանիրուն  
Իւր խալիֆա վարժապետից,  
Որին հայրը, տալով որդուն,  
Ատում էր. «քեզ միսն ոսկորն ինձ»:  
Այնուհետև կարգացել է  
Նա «Մեծ տաղմոս», կամ «Փամագիրք»,  
Եւ բնութենից թէ ստացել է  
Ունակութիւն, շնորհք ու ձիրք,  
Նա իւր ուսմանը քրտնաջան  
Նարեկով է տուել վախճան:  
Այդ գասն ահա, որին գրադէտ  
Անունը միայն կարող եմ տալ,  
Որովհետև է նա տղէտ,  
Գիտէ միայն գրել, կարգալ,  
Որի համար «Էֆիմէրգին»,  
«Պղնձէ քաղաքի պատմութիւնն»,  
Կամ թէ մի հին «կարարագին»  
Զատ բարձր են, քան նոր դպրութիւնն,  
Գա էլ գրուածքս չի կարգալ,  
Գորա համար գրօշ չարթէ գա:



Փոքր մնաց մոռանալի  
Քեր խմբագիր պարօններին—  
Ճշմարտութիւնն ուրանալի,  
Զայրացնէի կամքը վերին,  
Կարող էի յոյս ունենալ  
Արժանանալ ներողութեան,  
Քան երբ յանկարծ պատահէր տալ  
Պարօններին մոռացութեան:  
Ո՛հ, նոքա շատ ինքնասէր են,  
Որովհետև գրչի տէր են:  
Թէ իմացար դու գրաւել  
Նոցա սէրն ու համակրանքը,  
Որ շատ հեշտ է. ևս առաւել,  
Երբոր նոցա փուտ ապրանքը—  
Լրագիրը, գովես, ճարես  
Քաժանորդներ քանի մի հատ,  
— Թէև ողջ թերթը քրքրես,  
Առողջ մտքեր չես գտնի շատ—  
Ուսուցիչ ես, թէ դերասան,  
Նկարիչ ես, թէ վիպասան  
Քո վիճակը ապահով է.  
Յօդուածներով ամբողջ մի շարք  
Խմբագիրը քեզ կըգովէ,  
Կը հիացնէ համայն աշխարհք,

Հռչակելով քեզ մի հանճար,  
Քայց վայ է քեզ, թէ դու նորան  
Թշնամացրիր, ամեն բան չար  
Պատրաստ են նրա գրիչն ու բերան  
Անխնայ թափել, խեղճ, քո զլխին:  
Ի՞նչ ասեմ նրան լաւ ասողին:  
Մի թարգմանիչ, կամ հեղինակ,  
Տպելով իւր աշխատանքը,  
Ուղարկում է մի օրինակ  
Տէր խմբագրի ասպարանքը,  
Եւ յոյս ունի, որ կրկարդայ  
Մի քննութիւն նորա թերթում,  
Սակայն դորա փոխանակ նա  
Ահա՛, տես, թէ ինչ է կարգում.  
«Չնորհակալութեամբ ըստացանք  
Այս ինչ գիրքը, գինը չէ թանկ»:  
Սրանից պէտք է եզրակացնել,  
Որ մեծիմաստ խմբագիրը  
Ամբողջ գիրքը չէ կարդացել,  
Այլ միայն նորա վերնագիրը.  
Կամ եթէ որ ընդհակառակ  
Կարդացել է նա այն գիրքը  
Աւելի ևս է խայտառակ,  
Որ քննելու չունի ձիրքը:

Նայնն է վիճակն իմ առակի,  
Ես էլ նորան չեմ ուղարկի:

Բայց կան մարդիկ, որոնք անշուշտ  
Կրկարդան իմ այս առակը,  
Որոնք վազրի պէս արիւնձուշտ  
Կրզզզզեն խեղճ տետրակը,  
Որոնք կրքննեն ամեն բառ,  
Կրստուղեն ստորակէտները.  
Վայ է, թէ սխալ գտնեն մի տառ,  
Կամ մտաւցած չաղերտները:  
Դոքա են Հայ կրիտիկոսներ—  
Քարտիրոսներ, Կիրակոսներ:  
Մհ, զգոյշ կացէք, Հեղինակներ,  
Նոցա Հետ մի անէք կատակ:  
Նրամազգի պէս կայծակներ  
Կարձակեն, թէ առիթ կրտաք.  
Բարկացիտ են նոքա սաստիկ,  
Մի գնաք նոցա դուք Հակառակ,  
Չեն ճանաչում մեծ ու պտտիկ,  
Իսկոյն կանեն ձեզ խայտառակ:  
Դիտեմ, ինձ էլ չկայ փրկութիւն,  
Կրպատժեն իմ յանդգնութիւն:

Երբ քննում են նոքա մի զիրք,  
 Սկսում երկար նախարանով,  
 Ճշմարտութիւնը, ոչ թէ կիրք,  
 Խօսում է նոցա բերանով.  
 Քարոզում են, թէ կրիտիկան  
 Սուրբ է, արդար և անաչառ,  
 Որ հաշիւները անձնական  
 Երբէք պէտք չէ տան նրան պաշար.  
 Բայց վերջացաւ յառաջարան,  
 Մնացածն լիշոց և ոչ այլ բան:  
 Թող հայհուցեն, որքան կուզեն,  
 Ելի ինձ փոյթ չէ ամենեւին,  
 Բիւր նախատինք վերաս գիղեն,  
 Ես չեմ ասի խելօք խելին:  
 Իմ հաշիւը ես վաղօրօք  
 Երգ նոցա հետ վերջացնում եմ,  
 Ելսուհետև ոչինչ բողոք  
 Չունիմ, այժմ ես անցնում եմ  
 Իմ ընդմիջած պատմութեանը,  
 Թէ չէ շատ է ձգվում բանը:

Արձակելով հարսնախօսին,  
 Հայրը կանչեց իւր աղջկան:

«Արդեանկ», ասաց. «մեր դրացին,  
Մի պատուական վաճառական,  
Որ յայտնի է և անուանի,  
Ոչ միայն մեծ հարստութեամբ,  
Ելլե վարքով առաքինի  
Եւ իւր սրտի ազնուութեամբ,  
Խնդրում է քո հարսնութիւնը.  
Եւ դու գիտես իմ բնութիւնը,  
Որ չեմ սիրում ես բռնանալ  
Երբէք մարդու վերայ, թէպէտ,  
Իրաւ է, քեզ ամուսնանալ  
Խորհուրդ չտուի Վահանի հետ:  
Ճշմարիտ է, որ նա կտրիճ  
Աշխատասէր մի տղայ է,  
Քայց աղքատ է, չունի ոչինչ  
Եւ ուրիշի մօտ ծառայ է:  
Այդ պատճառով նա քեզ համար  
Այր լինելու է անյարմար:  
Երբ ես ինքս մի ժամանակ  
Հարուստ էի և բազումսր,  
Առւտուրս էր յաջողակ,  
Կեանքս շքեղ ու փառաւոր,  
Ի՞նչ հարկաւոր էր որոնել  
Ինձ քեզ համար հարուստ փեսայ,

Երբ ես ինքս ապահովել  
Կարող էի դուստր ու փեսայ:  
Բայց անցաւ այդ ժամանակը,  
Այժմ այլ է իմ վիճակը:  
Հանդիպեցայ ձախորդութեան,  
Բարձրութենիցս վայր ընկայ,  
Իմ ունեցած հարստութեան  
Այժմ նշույն անգամ չկայ:  
Ահա, ինչի ես, իբրև հայր,  
Տալիս եմ քեզ խորհուրդ բարի,  
Որ, յայս ունիմ, խոհեմարար  
Կրնդուենես, չես արհամարհի:  
Դու, սովորած փափուկ կեանքին,  
Չես գիմանայ աշխատանքին.  
Այդ պատճառով քեզ ամուսին  
Ունևոր մարդ պիտի ընտրես,  
Որ դու ապրես նորա ձեռին,  
Ինչպէս ապրել սովորած ես:  
Որդեանկ, խօսիր, անկեղծ ու բաց.  
Յօժանր ես մեր դրացուն ուզելի,  
Իսկ եթէ ոչ, միամխտ կաց,  
Մտադիր չեմ ես քեզ ստիպել»:

Օրիորդը, գլուխը խոնարհ,  
Ականջ էր դնում հօր խօսքերին,  
Վարդագոյնը աւելի վառ  
Բորբոքուեցաւ նրա այտերին:  
«Հայրիկ», առաց, «դու լաւ գիտես,  
Որ միշտ հնազանդ եղել եմ քեզ,  
Որ քո խօսքը ամեն անգամ  
Ընդունել եմ իրրեւ պատգամ:  
Եւ թէ ես վստահացայ  
Վահանի վրայ քեզ ակնարկել,  
Եզա այդպէս ես վարուեցայ,  
Որովհետեւ երբեմն ինքդ էլ  
Միտք ունէիր ինձ ու նորան  
Կապել կապով ամուսնական:  
Փոքր տղայ ընդունեցիր  
Նորան քեզ մօտ և մեծացրիր,  
Յետոյ, իրրեւ դործակատար,  
Նա շատ տարի ծառայեց քեզ,  
Ոչ թէ ինչպէս վարձկան, օտար,  
Ելլ հարազատ մի որդու պէս:  
Եւ փոխարէնը կամեցար  
Դու վարձատրել նրան հայրաբար,  
Տալով նորան ժառանգութիւն,  
Ոչ միայն քո կարողութիւն,

Այլ և միակ աղջկադ սէրը.  
Բայց հանգամանքը փոխուեցաւ,  
Իրագործել մեր յոյսերը  
Ինքը Աստուած չկամեցաւ:  
Ինչպէս որ միշտ, այժմ էլ նոյնպէս  
Հայր, քո կամքին հնազանդ եմ ես,  
Միայն խնդրում եմ, որ այս գիշեր  
Փամանակ տաս ինձ մտածեմ,  
Հարցն է այնքան ծանրակշիռ.  
— Համաձայն ես ինձ հետ, կարծեմ—  
Որ ես խկոյն վճռողական  
Չեմ կարող տալ քեզ պատասխան»:

Հայրը անչափ հաւանեցաւ  
Իւր աղջկայ պատասխանին,  
Ուրախ էր, որ, չկշռած լաւ,  
Նա չէր կպչում խկոյն բանին:  
Բացի դրանից համոզուած էր,  
Որ, երբ Աստղիկը մտածէր,  
Պատասխանը վճռողական  
Լինելու չէր բացասական:  
«Այո՛, գնո՛ւ, լաւ ես ասում»,  
Պատասխանեց նա աղջկան.



«Իսկոյն քեզնից չեմ պահանջում  
Տալ պատասխան ինձ վերջնական:  
Գնա՛ սենեակդ, մտածիր,  
Քո սրտի հետ խորհրդակցիր,  
Սուրբ պատկերի առաջ չօքած  
Ուղղիր աղօթքդ առ Աստուած,  
Խնդրիր Կորան լուսաւորել  
Անփորձ խելքդ իմաստութեամբ,  
Որ այդ ծանր հարցը վճռել  
Կարողանաս խոհեմութեամբ:  
Գնա՛, դատրիկ, Տէրը քեզ հետ,  
Նա տալ խորհուրդ քեզ շահաւէտ:  
Առաւօտը բարի լոյսին  
Էլի կրիստինք այդ մասին.  
Այն ժամանակ ես կիմանամ,  
Որդեակ, սրտիդ որոշումը,  
Ես էլ գրացուն իմաց կրտամ,  
Որ կատարեմ իմ խոստումը:

---

Գ.



Գոյն երեկոյ տան պարտիզում,  
 Կառերի խիտ ծածկոցի տակ  
 Աստղիկը ճեմում էր մենակ  
 Եւ անհամբեր մէկին սպասում:  
 Հիանալի պարզ զիշեր էր,  
 Խոր լութիւնը տիրել էր  
 Քնութեան մէջ Համատարած,  
 Երկնականօրը զարգարած  
 Քիւր բիւր փայլուն աստղիկներով,  
 Կրկարձէիր, թէ վերևում  
 Հրեշտակներն են աչիկներով  
 Սիրով այգպէս իրար նայում.

Եւ բոլորակ լուսնեակը  
Արծաթի պէս փայլուն դէմքով,  
Իւր շրջանը կատարելով,  
Հուսաւորում էր աշխարհքը.  
Յիշերային հովր մեղմիկ  
Հաղիւ շարժում էր տերևիկ.  
Հանգստանում էր բնութիւնը,  
Միայն Հանգիստ չէր մեր սիրունը:  
«Ի՞նչ ուշացաւ, է՞ր չէ գալիս»,  
Մտածում էր նա ինքն իրան.  
«Ի՞նչ է այսքան սպասել տալիս,  
Արդեօք բան է պատահել նրան»:

Իմ սրամիտ ընթերցողը  
Ենչուշտ արդէն գուշակում է,  
Ար վահանն է ուշացողը,  
Արին Աստղիկը սպասում է:  
Թէև նա շատ չէր ուշացել,  
Արովհետև Աստղիկն ինքն էլ  
Հաղիւ թէ հինգ բոպէ անցաւ,  
Ինչ որ տանից պարտէզ իջաւ.  
Բայց ընթերցողը կարծելով,  
Ար մեր պարկեշտ գեղեցկուհին

Անարատ և ազնիւ սիրով  
Նուիրուած է իւր Վահանին,  
Գուցէ արդէն անիծում է  
Տղային և մտածում է.  
«Ափսոս աղջիկ, որ քո սիրտը  
Որսացել է այն կոպիտը»:  
Որովհետեւ ով գէթ մի գամ  
Սիրահարուել է իւր կեանքում,  
Նա լաւ գիտէ, որ բոլէն ժամ  
Թ՛վում է այդ հանդամանքում.  
Նա լաւ գիտէ, ինչպէս նորա  
Սիրտը լինում է տակն ու վրայ,  
Ինչպէս ամեն թեթեւ հնչիւն  
Որսում է նրա ականջն խկոյն  
Եւ կարծում է, թէ իւր սիրած  
Անձի քայլերն է նա լսում,  
Մինչ այդ իւր սիրտն է, որ յուզուած  
Արագ զարկում ու բարախում:

Ճշմարիտ է, հոգիս վկայ,  
Գորան հերքող ոչ սք չրկայ,  
Որովհետեւ այդ բանը ինձ  
Լաւ յայտնի է իմ փորձերից:

Եւ թէպէտ այդ գրութիւնը  
Փոքր ինչ տանջում է մեր Հոգին,  
Բայց տեսութեան քաղցրութիւնը  
Անշուշտ արժէ այդ տանջանքին:  
Հաւատացէք, Հոգիս կըրտամ,  
Միայն թէ մէկ էլ այդ բանը զգամ:  
Առանց սիրոյ ինչ է կեանքը:  
Բայց սէրն ունի իւր տանջանքը:  
Թէ ինձ Հարցնէք, յօժար եմ ես.  
Սիրել, տանջուիլ — երջանկանալ,  
Քան թէ ապրել անբանի պէս.  
Ուտել, խմել — անասնանալ:

Բայց ո՞վ գիտէ, զուցէ այդ էլ  
Ճաշակի բան է, չգիտեմ.  
Ես միտք չունիմ, ոչ Հաստատել,  
Ոչ էլ երբէք վիճել զբազէմ:  
Սակայն, դալով ես իմ անձին,  
Սիրոյ մասին իմ առանձին  
Ունիմ յատուկ գաղափարը,  
Նոյն է ասել. թէ տխարը:  
Սէրը փայելք է երկնային,  
Երջանկութեան ծով անսպառ.

Սիրով միայն աստուածներին  
Մահկանացուն է հաւատար,  
Եւ այն, որ է չնաշխարհիկ,  
Որով մարդս է երջանիկ,  
Որով կեանքը ստանում է զին,  
Որ զուարթացնում է մեր հոգին,  
Արժէ այն, որ նրա համար  
Յաղթենք ամեն արգելքներին  
Եւ ենթարկենք վստահարար  
Մեր անձը բիւր վտանգներին:

«Ի՞նչ ես այդքան երկարացնում,  
Ի սէր Աստծոյ, ու ձանձրացնում.  
Բաւական է, համը տարար,  
Խօսքից շեղուելով անդադար:  
Դու մեզ պատմիր պատմութիւնը,  
Կարօտութիւն չունինք բնաւ.  
Լսել սիրոյ մեկնութիւնը,  
Այդ մենք գիտենք քեզանից լաւ:  
Քո սեփական սրտի գրգիւռ  
Մեզ համար չէ հեռաքրքիր.  
Արդեօք սիրել ես և ինչպէս.  
Այդ էլ մեզ փոյթ չէ նմանապէս»:

Անշուշտ այսպէս են պատուական  
Ընթերցողներս մտածում  
Եւ, ինձանից անբաւական,  
Նոքա խփոյն թերթը դարձնում:  
Եւ ես, զգալով իմ յանցանքը,  
Ընդունում եմ մեղադրանքը,  
Բայց, հակառակ ցանկութեանս,  
Ես չեմ կարող պատմութեանս  
Խփոյն անցնել, որովհետեւ  
Մինչ այժմ միջոց չեմ ունեցել  
Հերոսներիս հետ դէթ թեթեւ  
Ընթերցողին ծանօթացնել:

Բայց Հերոսներս, ասեմ ձեզ,  
Հերոսներ չեն ամենեին.  
Անուանելով նոցա այդպէս,  
Ես հետեւում եմ միայն ձեւին.  
Թէ չէ նոքա շատ հասարակ  
Մարդիկ են, ոչ հաստ, ոչ բարակ,  
Ոչ շատ խելօք, ոչ էլ լիմար,  
Բոլորովին իրար յարմար:  
Իբր հոգեղէն արարածներ,  
Իբր հասարակ մահկանացուք,

Են մանր մունր կրքերի տէր,  
Թող կողմերով, մարդուն յատուկ:  
Գալով նոցա այժմ անձնական  
Տեսակէտին բարոյական,  
Ինչպէս շուտով կը համոզուիք,  
Չատ գովելու չունիմ տեղիք:

Իմ գլխաւոր հերոսուհին,  
Ինչպէս զխտէք, է Աստղիկը,  
Հրեշտականման գեղեցկուհին,  
Իւր սեռի մէջ մէկ հատիկը:  
Նորա չքնաղ գեղեցկութեան  
Յանձնառու չեմ նկարն անել,  
Այդ բանում իմ տկարութեան  
Մասին վերն եմ խոստովանել.  
Բայց որպէս զի մի գաղափար  
Ընթերցողին տամ նրա մասին,  
Կատեմ. գեղով էր հաւատար  
Նա զիցուհուն փրփրածին,  
Որի անունը իւր վերայ  
Իրաւունքով կրում էր նա:  
Այն միջոցին, որից ներկայ  
Պատմութիւնը սկիզբն է առնում,



Թէև տարեգիրը չկայ,  
Թէ նրբ էր այդ, կամ ո՞ր դարում,  
Ենթարկուելու չեմ տուգանքի,  
Թէ ասեմ, որ մեր սիրունը  
Արդէն տեսել էր իւր կեանքի  
Տասն և ութերորդ դարունը:  
Բոլորովին կազմակերպուած  
Սրբորդ էր ծաղկափթիթ,  
Կուրծքը շքեղ ու զարգացած,  
Ինքը թեթև, իբրև մի վիթ.  
Մի խօսքով էր այն հասակում,  
Երբ սիրտը սէր է փափագում:  
Բայց նրա սիրտը կարծես թէ դեռ  
Քնած էր գրկում անմեղութեան,  
Եւ թէ արդեօք նրբ պիտ' զարթէր,  
Այդ կարօտ էր դուշակութեան:  
Որովհետև, քանի քանի  
Յայտնվում էին փեսացուներ,  
Երիտասարդ և անուանի,  
Բոլորին էլ նա մերժում էր,  
Ասելով, թէ դեռ միտք չունի  
Ընդունել լուծն ամուսնութեան  
Եւ այդպէսով իւր ծերունի  
Հօրը մատնել միայնութեան:

Սակայն այդ չէր բուն պատճառը,  
Այլ Վահանն իւր սիրահարը:

Բայց այդ մասին առ ժամանակ  
Կրպահպանեմ ես լռութիւն,  
Միայն խնդրում եմ, մի նեղանաք,  
Այլ ունեցէք համբերութիւն.  
Զուտով էլի այդտեղ կրդամ,  
Միայն թէ նախ ես ձեզ կրտամ  
Մեր Աստղիկի մասին ինչ ինչ  
Կենսագրական տեղեկութիւն,  
Եւ այդ բանից կարծեմ ոչինչ  
Վնաս չի կրի մեր պատմութիւն:

Հինգ տարեկան էր Աստղիկը,  
Երբ վախճանեց նրա մայրիկը,  
Եւ նա մնալով որբ, պիտ' իանձնուէր  
Յտար, վարձկան կնոջ խնամքին,  
Իսկ վարձկանը, շատ էլ անձնուէր,  
Մայր չի լինի որբ մանուկին:  
Եւ Աստղիկ հայրը այնքան  
Սիրում էր իւր փոքրիկ աղջկան,

Ար, թէև դեռ առողջ էր շատ,  
Ամուսնանալ չուզեց կրկին,  
Ար իւր գաւակը Հարազատ  
Չյանձնէ խորթ մօր խնամքին,  
Մտածելով, որ կտրեկից  
Դայեակը լաւ է խորթ մօրից:  
Մի բարեօրոտ և երկիւղած  
Կին էր դայեակը Ասողկի,  
Նրա պէս մէկի ձեռին եղած  
Մանուկն ինչպէս վարդ կրծաղկի.  
Նա խնամում էր իւր սանիկին,  
Իրրև մի մայր, ոչ օտար կին:  
Նա աշխատում էր գարդացնել  
Նրա մէջ զգացմունք բարոյական,  
Քարին ու չարը հասկացնել  
Աւակներովը խրատական.  
Ջանք էր անում, որ նա լինի  
Համետ, պարկեշտ, առաքինի:  
Սքանչելի էր տեսարանը,  
Երբ ծունկ չոքած այն մանկիկը,  
Թոթովում էր նրա բերանը  
«Հայր մերը» և «Անկանիմքը»,  
Իսկ երբ դարձաւ տաս տարեկան,  
Արդէն անգիր դիտէր «Մեղան»:

Որովհետև դայեակն ինքն էլ  
Գրագէտ էր բաւականին,  
Այդ պատճառով կարգալ գրել  
Նա սովրեցրեց և իւր սանին:  
Այնուհետև Աստղիկն ամեն  
Գիշեր ասում էր «Յկեացէն»,  
Այնպէս մտնում անկողինը,  
Ապա թէ ոչ ամբողջ գիշեր  
Վրդովում էին նրա քունը  
Սարսափելի վատ երազներ...

Աստղիկն մեր ահա այսպէս  
Լաւ կրթուած էր բարոյապէս:  
Բարոյական կրթութեան հետ  
Նա ստանում էր և իրական.  
Նրա դայեակը հմուտ և վարպետ  
Էր արհեստում տնտեսական:  
Բացի դրանից նա իւր սանին  
Լաւ վարժեցրեց կար ու ձևին:  
Այսպէս ուրեմն Աստղիկը,  
Հազիւ տասն և վեց տարեկան,  
Ունէր ամեն արժանիքը  
Թէ բնական, թէ ստացական:

Հայրը շատ զոհ էր դալեակից,  
Նորա անխոնջ աշխատանքից,  
Եւ այնքան մեծ վստահութիւն  
Ունէր նա այն կնոջ վերայ,  
Որ երբ գործով օտարութիւն  
Ամիսներով գնում էր նա,  
Միամիտ էր, որ իւր տանը  
Լաւ պահապան կայ աղջկանը:

**Մ**ի անգամ, երբ վերադարձաւ  
Նա հեռաւոր Հնդկաստանից,  
— Համարեա թէ տարի անցաւ  
Ինչ բացակայ էր իւր տանից:  
Ուշանալու պատճառը շատ  
Նշանաւոր էր նրա համար.  
Պիտի վարէր մէկի գէմ դատ,  
Որ պարտ էր նրան մի մեծ գումար—  
Հետը մի որբ տղայ բերեց,  
Ասաղկից չորս տարով միայն մեծ,  
Որի տարիքն այն ժամանակ  
Կազմում էին դեռ մի տասնեակ:  
Վահան անուն էր կրում տղան,  
Մի գեղեցիկ կալտառ մանուկ,

Քաղցրարարոյ, Հաճոյական,  
Ընդունակ և խելքով կտրուկ:  
Աստղկի Հայրը մտերիմ  
Բարեկամ էր Վահանի Հօր,  
Որին բաղդն անհաւատարիմ  
Ստիպեց կամաւ գնալ աքսոր:  
Երբեմն Հարուստ և երջանիկ,  
Նա չգիտէր, ինչ է կարիք.  
Բայց մի գիշեր խանութը կրակ  
Ընկաւ, եղաւ Հրոյ ճարակ:  
Այն ժամանակ յուսահատուած  
Ծախեց նա տունը Հայրական,  
Կնոջն ու որդուն Հետը առած  
Գնաց և եղաւ աստանդական:  
Թափառելով երկրէ երկիր,  
Վերջը եկաւ նա Հնդկաստան,  
Ուր աշխատեց նա անձանձիր,  
Բայց չհասաւ լաջողութեան:  
Այնտեղ շուտով կինը մեռաւ  
Եւ այն տարին, երբ որ հասաւ  
Հնդկաստան նրա բարեկամը,  
Զարկեց և իւր մահուան ժամը:

### Աստղիկի Հայրը Վահանին

Հօր մահից լետ առաւ իւր տուն  
Եւ այն օրից նա իւր սանին  
Խնամք էր տանում, ինչպէս որդուն:  
Նա իւր գրաւիչ կերպարանքով,  
Համեստութեամբ, բարի վարքով  
Ձուտով դարձաւ տան սիրական,  
Բարերարին և նրա տղջկան:  
Աստղիկի Հօր հետ ամեն օր  
Նա գնում էր նրա խանութը,  
Այնտեղ մնում էր, մինչև որ  
Երեկոյեան կոխէր մութը,  
Յետոյ, խանութը փակելով,  
Գալիս էին տուն միասին,  
Ուր Աստղիկը թռչկոտելով  
Դիմաւորում էր երկուսին:  
«Յարձով, Հայրիկ, Վահան, բարձով»,  
Կանչում էր նա քնքոյշ ձայնով  
Եւ համբուրում էր Հօր ձեռք,  
Իսկ սա նորա յոյս աչերը:  
Յետոյ ճրագի շուրջ ժողովուած  
Այդ փոքրաթիւ բնտանիքը  
Խօսակցութեամբ էր զրադուած,  
Մինչև սլաօրաստ էր ընթրիքը,

Որից լետոյ զիշերային  
Եղօթքն ասոււմ էր խմբովին,  
Եւ ամեն մէկը գնոււմ էր  
Իւր անկողնոււմ հանդիտա քնոււմ էր:

Աստղիկ հօր փարպեա ձեռին  
Վահանը շուտ ընտելացաւ  
Եւսուտուրին ու գործերին  
Եւ գովեստի արժանացաւ,  
Որովհետեւ տղան ծոյլ չէր,  
Ելլ ընդունակ, աշխատատէր:  
Երկու երեք տարի հազիւ  
Կա խանութումն էր աշխատել,  
Երդէն զիտէր կազմել հաշիւ,  
Եպրանքն ուղիղ գնահատել:  
Կոցա խանութը մտնողը  
Ենտեղ թողնոււմ էր իւր փողը,  
Որովհետեւ Վահանն այնպէս  
Քաղցր էր խօսոււմ ամենքի հետ,  
Որ գնողը, զիւթած կարծես,  
Համբոււմ էր փողն իսկոյն և եթ:  
Եյսպէս Վահանը օրէցօր  
Յոյց էր տալիս ձիրք նորանօր:



Փառայելով հաւատարիմ  
Իւր հայրախնամ բարերարին,  
Դարձաւ նորան սերտ մտերիմ,  
Որ միշտ հեշտ չէ մի օտարին:  
Չատ անգամ ասում էր ծերը.  
Թէ Վահանն է իւր աջ ձեռը:  
Այնքան վստահ էր նորա վրայ,  
Որ երբ դնում էր ապրանքի,  
Կամ այլ գործով էր բացակայ,  
Առանց մի փոքր կասկածանքի  
Տունն ու խանութն յանձնում էր նրան  
Ատողկի հայր Վարդան աղան:

Ներողութիւն, այստեղ օտար  
Սարդեցաւ բերնիցս բառ:  
Ես այդ բանին առ հատարակ  
Չատ բնդդէմ եմ և հակառակ,  
Թէև այն, կան շատերը,  
Որոնք յաջող հանգի համար  
Գործ են ածում օտար բառեր  
Թւով ոչ սակաւ, այլ անհամար:  
Փոխանակ վիշտ, ասում են «դարդ»,  
Որ յարմարուի կարճ յանդին վարդ.

Առում են «եար», «հալ» ու «հանաք»,  
Երբ միւս լանդն է լար, ծալ, թանաք:  
Բայց չեմ ուզում առաջ բերել  
Ելտեղ նման օրինակներ,  
Թէ չէ շատ հեշտ էր ինձ գրել  
Ոչ թէ հատ հատ, այլ տասնեակներ:  
Բայց ո՞վ գիտէ, գուցէ և ես  
Մեղանչել եմ տեղ տեղ նոյնպէս  
Եւ ուրիշին դատապարտում,  
Իսկ իմ սխալը չեմ նկատում:  
Բայց թաթարի բառը «աղա»  
Մեղնում արնքան է ընդունուած,  
Որ «մեր աղունք ո՞վ կադալ»,  
Կանչում է հայն տարակուսած:  
Իւրաքանչիւր հայն է աղա.  
Եղա Պետրոս, Վարդան աղա,  
Միայն թէ աղա է նոցանից  
Մէկն առաջից, միւսն ետեւից:  
Թէպէտ նոյնպէս և ուրիշ բառ  
Գործ ենք անում, արն է, «պարոն»,  
Սակայն դա էլ է մեզ օտար,  
Գերմանական բառ է «Baron».  
Բոլոր հայերն են պարոններ,  
Նոյն է ասել, թէ Baron-ներ.

Ամեն Միօ, ամեն Յարօ  
Սպանիացու սէս «hidalgo»:

Այն օրից, երբ ոտք դրեց  
Արբ ՎաՀանը Աստղկենց տուն,  
Մեր Աստղկի կեանքը կրեց  
Նշանաւոր փոփոխութիւն:  
Ամբողջ օրը տանը փակուած,  
Ինչպէս թռչնիկ մի բանտարկուած,  
Չունէր ընկեր Հասակակից,  
Իւր խաղերին Հաղորդակից.  
Մարդ չէր տեսնում իրանց տանը,  
Քացի Հօրից ու գայեակից.  
Քայց ինչ եկել էր ՎաՀանը,  
Արդէն ունէր նա խաղակից:  
Մանուկները ստորաբար  
Ձուտ են սրտով կաշում իրար.  
Այժր լաւ է այժի Համար,  
Քան թէ ամբողջ մի Հօտ ոչխար:  
Նօյնպէս Աստղիկն ու ՎաՀանը  
Ընտելացան իրար շատ շուտ.  
Տանը փակուած խեղճ աղջկանը  
Տղան այդ թփում էր անգին գիւտ:

Կիրակի և տօն օրերը,  
 Երբ փակ էին խանութները,  
 Երբ ուրեմն կարիք չկար,  
 Որ Վահանը տանից դնար,  
 Ետողիկն ու նա ամբողջ օրը  
 Ուրախ խաղում էին տանը  
 — Ենախորժ չէր նայել հօրը  
 Նոցա անմեղ զուարճութեանը —  
 Կամ ստուերաշատ ասն պարտիզում  
 Ուրախանում ու վազվզում,  
 Փնջեր կապում ծաղիկներից,  
 Քաղում հասնած պտուղ ծառերից.  
 Խաղում էին աչքախփուկ,  
 Մանուկների սիրած մի խաղ,  
 Կամ երբեմն կատու և մուկ  
 Եւ բարձրացնում ուրախ ծիծաղ:  
 Քաղցրաւէնիք էր, թէ հրուշակ,  
 Կամ անուշ միրգ, երբէք մենակ  
 Ետողիկն առանց խոր Վահանի  
 Բնաւ բերանը չէր տանի:  
 Ելսպէս ահա մանուկները  
 Երդէն սիրում էին իրար,  
 Թէև անմեղ էր այդ սէրը,  
 Բայց արդեօք միշտ այդպէս կրմնա՞ր:

Այն, աչդդէս էլ չմնաց,  
Որովհետև կամաց կամաց,  
Քանի նոքա առան հասակ,  
Այնքան ստացան սիրոյ ճաշակ:  
Պատահում էր, որ շատ անգամ  
Տան պարտիզի մութ խորքերում,  
Առանձնացած ամբողջ մի ժամ,  
Իրար զրկում ու համբուրում.  
Բայց ոչ հայրը և ոչ դայիակ.  
Այդ բաներին չէին տեղեակ:  
Խորամանկ է այն սէրը,  
Դիտէ ծածկել իւր գործերը:

Գեղեցկուհու սիրոյ խանդով  
Քաջալերուած մեր Վահանը,  
Եւս աւելի ջերմ եռանդով  
Թէ խանութում և թէ տանը  
Ծառայում էր բարերարին,  
Որ իւր կողմից իւր որդեգրին  
Այնքան սիրեց, որ Աստղին  
Մտադիր էր տալ նորան կին:  
Եւ մի անգամ, երբ Աստղիկը  
Սրդէն էր տասն վեց տարեկան,

Յայտնեց նորան հայրն իւր ծխաքը  
Եւ նկատեց, որ իւր աղջկան  
Չատ հաճելի էր այդ բանը,  
Միայն պատուիրեց, որ Վահանը  
Ըն ժամանակ թող չիմանայ,  
Որ պիտ' իրան փեսայանայ:

Ո՞վ չի ների մեր սիրունին,  
Որ դանց արեց այդ պատուէրը  
Եւ հաղորդեց իւր Վահանին  
Նոյն խակ գիշեր հօր խօսքերը:  
Թէ աղջիկը և թէ տղան,  
Կասկած չկայ, շատ դոհ եղան,  
Որ երկուսի բազդի համար  
Ինքը հայրը էր հողատար:  
Երբ ընթրիքից հետ հեռացան  
Նոքա իրանց սենեակները,  
Համարեա թէ ժամեր անցան,  
Քունը փակեց ոչ աչքերը  
Մեր երջանիկ սիրհարների.  
Ըմեն մէկը իւր մտքերի  
Բուռն հոսանքից չափշտակուած,  
Սիրան յոյսերով ալեկոծուած,

Արթուն աչքով երազում էր  
Այն ըղձալի երջանկութիւնն,  
Իր երկուսին խօստանում էր  
Սիրաշաղկապ ամուսնութիւնն:  
Միայն այլ և այլ կողմից էին  
Նայում երկուսն էլ այդ բանին  
Փէլե երկուսն էլ հաւատար  
Չգտում էին դէպի իրար:

Գլուխը դրած կակուղ բարձին,  
Մտածում էր Ատողիկն այսպէս.  
«Ողորմած է բազդն իմ անձին,  
Իմ վիճակից շատ գոհ եմ ես:  
Գեղեցիկ եմ, ինչպէս շուշան,  
Զատ քիչ աղջիկ կայ ինձ նման.  
Ո՞ր այր մարդը կրգիմանայ,  
Որ հաճոյքիս չտարկանայ:  
Հայրս հարուստ և ես միակ  
Նորա ժառանգ օրինաւոր,  
Միշտ կըհագնեմ մետաքս, գիպակ,  
Կեանք կըվարեմ ճոխ, փառաւոր.  
Եւ կուեննամ ես ամուսին  
Մի մարդ, որին ամեն մի կին

Ուրախութեամբ կընկնի գիրկը,  
Որ լազեցնէ իւր ջերմ կիրքը:  
Բայց նա պիտի պատկանի ինձ  
Եւ միայն ինձ պիտի սիրէ,  
Եւ ոչ մի կին ըստ ինձանից  
Նորա սրտին պիտ' չտիրէ:  
Նա չէ հարուստ, ազնուազարմ,  
Բայց հաճելի, կտրիճ ու թարմ.  
Գեղեցկութեամբ այրական  
Իմ վազանն է անզուգական:»

Նոյն միջոցին և վազանը  
Մտածում էր իւր սենեակում.  
«Անտէր որբի պահապանը  
Ինքը Աստուած է երկնքում:  
Սուտ չէ ասած, թէ Աստուած տայ,  
Երկու ձեռով մարդուն կրտայ:  
Եւ ես այդ բանը ինձ վերայ  
Ահա փորձում եմ աշկարայ:  
Փոքր հասակում մահը զրկեց  
Ծնողներից, մնացի անտէր,  
Բայց Աստուակի հօրն ուղարկեց  
Երկինքը ինձ պաշտպան ու տէր:»



Սիրով առաւ նա ինձ իւր տուն,  
Վնամեց, ինչպէս Հայր իւր որդուն,  
Խափօրեցրեց ինձ առուտուր  
Եւ այժմ, իբրև վարձ և տրիտուր  
Իմ հարազատ և անձնուէր  
Ծառայութեան համար, նա ինձ  
Վամենում է շնորհել նուէր  
Մեննալաւն իւր զանձերից—  
Իւր մէկ հատիկ դուստրը չքնաղ,  
Որի գէժքը լուսաթաթախ,  
Որի աչքերը սևօրակ  
Զուրջ տարածում են սիրոյ կրակ:  
Զատերը իմ բնկերններից  
Պիտ՝ նախանձեն, երանի տան,  
Որ հասցրեց կոյր բաղդը ինձ  
Այս երկրաւոր երանութեան:  
Աս կունենամ գեղեցիկ կին,  
Տեսքով նման արեգակին,  
Բայց զլիաւորը այն է, որ  
Միակ ժառանգ է հարուստ հօր:  
Զատ լաւ բան է, Ատուած վկայ,  
Երբ մարդ ունի գեղեցիկ կին,  
Բայց երբ կնոջ հետ շատ էլ փող կայ,  
Նա ստանում է կրկնակի գին:

Գէ՛հ ուրեմն, Վահան, ցնծան,  
Բաղդից ստանում ես լաւ ընծայ,  
Ընծայ շքեղ ու թանկագին,  
Հարստութիւն ու Ատողկին»... .

Քրտնավաստակ երկրագործի  
Աշխատանքով ցանած արտը  
Ահա՛ հասնում է, և հնձի  
Պատրաստում է չարքաշ մարդը  
Արդէն լցուել են հատիկերը,  
Լցուել են և սսկէղօծում,  
Ծանրացել են հատիկները,  
Հողմից դաշտը այլէկոծում:  
«Ա՛ կին», կանչում է գիւղացին,  
«Մի լաւ նայիր դու մեր հացին,  
Տնօ, ծփում է արտն, ինչպէս ծով,  
Ըռատ կրլնի հունձն Ատուծով:  
Չատ շատ երկու, կամ երեք օր  
Երկինքն էլի թէ խնայէ,  
Եւ թէ, ինչպէս մինչև այսօր,  
Նա սղորմած աչքով նայէ,  
Ուրաջ սրտով, երգ ու տաղով  
Մինչ երեկոյ կաշխատեն ես,

Հունձս կանեմ սուր մանգաղով,  
Փայլուն, լուսնի եղջիւրի պէս:  
Մշակի կեանքն է բարեբաստիկ,  
Երբ ցորենով ոսկէհատիկ  
Վիքն է նորա շտեմարանը,  
Անուշ գինովն էլ մառանը:  
Ատածով երկուսն էլ կըլինի,  
Արտս կըտայ ինձ ցորեն շատ,  
Կունենամ և առատ գինի  
Ես իմ այգուցը ցանկապատ,  
Ուր խաղողի ողկույզներով  
Ծանրաբեռնած են որթերը,  
Որոնց, կարծես, լակինթներով  
Զարդարել է Ստեղծող Տէրը:  
Ուրախ եղիր, սիրելի կին,  
Ինչպէս ուրախ է իմ հողին,  
Իմ ցանածը հատիկ հատիկ  
Կըժողովեմ հարիւրպատիկ...

Բայց ասած է—արդեօք ումից  
Եւ կամ ինչտեղ, այդ չգիտեմ.  
Միայն չեմ կարծում, թէ ձեզանից  
Մէկը վիճէ այդ խօսքի դէմ,

Որովհետև ամենայն օր  
Դա հաստատվում է նոր ի նոր—  
«Խորհուրդ մարդկան, կամք Աստուծոյ  
—Նոր հայերէն լեզուի մէջ «ծոյ»  
Վերջաւորուող բառ չեմ գտնում,  
Այդ պատճառով լանդի համար  
Այդ անիմաստ վանկն եմ դնում:  
Գիտեմ, լաւ չէ, բայց չկայ ճար—  
Մինչև այն օր քանի շարաթ  
Լաւ եղանակ էր, ոչ մի հատ  
Ամպի կտոր չէր երևում  
Պարզ երկնքումը վերևում.  
Բայց այն օրը, որտեղից էր,  
Կուտակուեցան հսկայածև  
Չարագուշակ սև սև ամպեր.  
Օրը մթնեց, հանգաւ արև,  
Փայլեց փայլակ, թնդաց սրտտ,  
Սուլեց մրրիկ, սարսեցրեց օդ,  
Տեղաց կարկուտ, թափուեց հեղեղ.  
Աշխարհի վերջ, նոր ջրհեղեղ:  
Եւ մի ժամում ոչնչացաւ  
Դուրացու յուսը թանկագին,  
Երբ փոթորիկը վերջացաւ,  
Չիք էր արտը, աւեր այդին:

Նայնպէս և իմ հերոսները  
Զգացին բազդի հարուածները,  
Որոնք նոցա քաղցր յոյսերին  
Ենակնկալ վախճան դրին:  
Մինչև այժմ Աստղիկի հօր  
Առուտուրը գնում էր յաջող.  
Զատերն էին նախանձաւոր  
Նրա բարօրութեան միշտ աճող:  
Բայց կայ առած անհերքելի,  
«Գործի վախճանն է գովելի:»  
Այսպէս և նա յանկարծակի  
Ենթարկուեցաւ մեծ փորձանքի:  
Նորա նաւը, բեռնաւորուած  
Հնդկաստանի հարստութեամբ,  
Յաջող հողմով թևաւորուած,  
Սլանում էր արագութեամբ  
Բերելով իւր տիրոջ համար  
Ոսկի, մարգրիտ, մետաքս, գոհար  
Եւ Քաշմիրի բարակ շալեր,  
Եւ թանկագին համեմունքներ:  
Ովկիանոսը Հնդկական  
Նաւն անցնելով արագ ու շտապ,  
Ապա ծոցումը Պարսկական  
Լողաց թեթև, ինչպէս կարապ:

Յուսալի էր յաջող աւարտ  
Նաւի գնացքին: Ծովը հանդարտ  
Տարածվում էր ամեն կողմը  
Հայելու պէս: Թեթև հողմը,  
Երբեմնակի համբուրելով  
Ջրի երեսը դողդոջուն,  
Կրկարձէիք, թէ ժպտելով  
Ծովն երկնքին տալիս ողջուն:  
Չկայ ոչ ինչ նրանից լաւը,  
Երբ սահում է թեթև նաւը  
Հանդարտ ծովի վերայ անվերջ,  
Ինչպէս արծիւր օդի մէջ:

Բայց այն ինչ է, ինչպէս սև բիծ  
Այնտեղ հորիզոնի վերայ,  
Առագանստ է արդեօք, թէ ցից  
Լերան զազաթ ծովեզերեայ:  
Նաւապետը իւր դիտակը  
Այն կողմն ուղղեց, քթի տակը  
Ինչօր անէճք մըթմըթաց նա  
Եւ ցոյց տուեց սև բծի վրայ:  
«Նաւաստիններ, զգոյշ կացէք,  
Մեզ սպառնում է», ասաց, «վտանգ,

Առազատներն հաւաքեցէք,  
Փոթորկի հետ շուտ կռիւ կրտանք:  
Այն սև բիծը չարազուշակ  
Սև ամպ է, որ այս կապուտակ  
Երկինքը շատ շուտ կը ծածկէ,  
Կը բորբոքուի, կրկալծակէ»:  
Այդ խօսքից լետ հազիւ անցաւ  
Մի ժամ, կամ թէ քիչ աւելի,  
Այն սև բիծը փոխարկուեցաւ  
Ահագին ամպ մի ահրեյի,  
Որ մթնեցրեց ցերեկը լոյս,  
Ինչպէս գիշեր տխուր, անլոյս:  
Նախ մի բոպէ հանդարտութիւն,  
Ապա օդում մի խուլ թնդիւն,  
Յանկարծ ծածկեց սպիտակ փրփուր  
Ծովի երեսը շփոթուած,  
Կատղած հողմը ահ ու սարսուր  
Բերեց մարդուն յուսահատուած:  
Եւ լեռնացան այլիքները,  
Բորբոքուեցան փայլակները,  
Որոտմունք, ճիչ ու շառաչիւն—  
Ինչ խառնաշփոթ ահեղ գոչիւն:  
Այլիքներին մի խաղալիք  
Նաւը, ինչպէս թեթև գնդակ,

Մերթ նետում է դէպի երկինք,  
Մերթ գյուրում ծովի յատակ:  
Կայմներն ընկան, ջարդուեց դէկը.  
Էլ ճար չունի նաւարէկը:  
Նաւը զարկուեց ժայռին — ճայթիւն.  
Կորաւ, չկայ էլ փրկութիւն....

Աստղիկի հայրն երեկ հարուստ,  
Եյսօր հազիւ ունի ապրուստ:  
Երբէք բազըր փոփոխական  
Մի հարուածով չէ բաւական,  
Եւ երբ ուզում է նա մարդուն  
Գաւաճանել ու հալածել,  
Որքան և զգոյշ լինիս, արթուն,  
Քեզ փրկութիւն դուր է տածել:  
Վարդան աղան, այժմ ալէզարդ,  
Չէր կարող, իբր երիտասարդ,  
Նորից սկսել փող աշխատել.  
Էլ ոյժ չունէր, ուզէր շատ էլ:  
Ելդ պատճառով զաղարեցրեց  
Իւր գործերը առւտրական,  
Մանէթին մանէթ վճարեց,  
Ու՛մ որ ինչքան էր պարտական:



— Ոչ թէ ինչպէս մեր օրերում  
Հարիւրին տասն են վճարում,  
Կամ թէ ոչինչ, և սնանկը  
Զուտով հիմնում է իւր բանկը —  
Ելապէս ծերուկն աղնուարար  
Եզատուեցաւ իւր պարտքերից,  
Սակայն ինքը, դժբաղդարար,  
Զրկանք կրեց ուրիշներից:  
Յուսահատ էր նրա գրութիւնը.  
Նորան մնացած միակ տունը  
Իւր արդիւնքով փոքրագումար  
Ելժմ նորան ապրուստ պիտ' տար:  
Պէտքէ արդեօք աւելացնել,  
Որ Աստղիին ու Վահանին  
Ելնուհետև ամուսնացնել  
Էլ մտադիր չէր ծերունին:  
Վահանը իւր բարերարի  
Տունը թողեց, ուր վեց տարի  
Վայելում էր խնամք ու սէր  
Նորա չարկի տակ հիւրասէր:  
Ծառայելով այժմ օտարին  
Վարձով, իբրև գործակատար,  
Ելցելում էր բարերարին,  
Երբ նա միայն ունէր հնար:

Այնտեղ տեսնում էր Աստղիկին,  
Համբուրում էր, սխմում կրճքին.  
Ի հարկէ, երբ ոչ ոք ներկայ  
Չէր այդ բանին, իբրև վկայ:—

Այժմ տեղեակ ես, ընթերցող,  
Հերոսներիս անցեալ կեանքին  
Եւ նորա հետ կապ ունեցող  
Երկու երեք հանգամանքին.  
Ռերեմն ես կարող եմ քեզ  
Հետս իսկոյն տանել պարտէզ  
Ուր Աստղիկը, ինչպէս զիտես,  
Վահանին է սպասում, ոչ մեզ:  
Բայց մենք նոցա չենք խանգարի,  
Ընդունուած չէ, հարկ էլ չկայ,  
Լինել երկու սիրահարի  
Տեսակցութեան անկոչ վկայ.  
Ոչ էլ կերթանք մենք իսկապէս,  
Այլ միայն մտքով տկանատես  
Կրկինինք այդ տեսարանին,  
Կամ թէ ինքս ամեն բանին,  
Ինչ որ այնտեղ կըպատահի,  
Քեզ տեղն ի տեղ կըտամ հաշիւ,

Աչինչ ծածուկ ես չեմ պահի,  
Ի՞նչ կրմնաս ամենայնիւ:

Ուրեմն, ինչպէս լայտնի է քեզ,  
Եթէ միայն մոռացել չես,  
Ատողիկն իրանց տան պարտիզում  
Իւր Վահանին էր սպասում  
Եւ սպասում էր շատ անհամբեր:  
— Տես այս գլխի առաջին տան  
Սկզբի տողերն ու միտդ բեր —  
Ատողիկն անհամբերութեան  
Ի՞նչ կրլինիս ներողամիտ,  
Թէ պատահել է քեզ առիթ  
Որոշ տեղում ու վայրկեանին  
Սպասել սրտիդ սիրականին:  
Բայց Վահանը շատ չուշացաւ,  
Զուր էր գանգատը Ատողիկ.  
Ահա արդէն երևեցաւ  
Նա մի ծայրում ճեմելիքի:  
«Վահան, դո՞ւ ես, Վահան, եկա՞ր»,  
Ասաց աղջիկն, «ինչ ուշացար»:  
— «Այո՛, ես եմ, հոգիս, եկայ.  
Վանջել էիր շտապով, ի՞նչ կայ» —

Պատասխանեց Վահանը և,  
Համբուրելով նորա ծոցը,  
Թևերի վրայ առած, թեթև  
Տարաւ մօտի Հովանոցը:

### ՎԱՀԱՆ

Այտեղ մութն է և ապահով,  
Փղը մաքուր, անուշ ու հով.  
Այտեղ մեզ մարդ չի խանդարի,  
Եսն ինձ, իմ հրեշտակ բարի,  
Իմ նազելի, իմ աչքի լոյս,  
Արդեօք պիտի ուրախացնեն  
Դու ինձ, տալով սրտիս նոր լոյս,  
Թէ վերջին կայծն էլ պիտ' հանդգնես:

### ԵՍՏՂԻԿ

Վահանն, իմ քաղցր սիրական,  
Մօտ է ժամը օրհասական.  
Զուտով բաղդի անխնայ ձեռք  
Կրբաժանէ մեր սրտերը

### ՎԱՀՆԵՆ

Աստ, արդեօք ինչ նոր վտանգ  
Սպառնում է մեզ բազմա անդուլթ.  
Միթէ միայն վիշտ ու տանջանք  
Նա մեզ տալու է հետամուտ:

### ԱՍՏՂԻԿ

Ինձ մարդու են տալիս, Վահան:

### ՎԱՀՆԵՆ

Իրան: Վան ինձ: Ո՞վ է փեսան:

### ԱՍՏՂԻԿ

Վաճառական է մի հարուստ:

### ՎԱՀՆԵՆ

Ապա վճռած է իմ կորուստ:—

Բայց ո՞վ է նա: Երիտասարդ

Եւ գեղեցիկ է անպատճառ:

## ԼՍՏՂԻԿ

Ո՛չ, բարեկամ, եղի՛ր Հանդարտ.  
Իմ վաՀանին չէ Հաւատար:

## ՎԸՀԸՆ

Տեսե՛լ ես նրան մինչև անգամ:

## ԼՍՏՂԻԿ

Այ՛ո, ո՛չ մէկ, այլ շատ անգամ:  
Նա մեր դրացին է: Ամեն օր,  
Համարեա թէ կանոնաւոր,  
Միշտ մի և նոյն ժամանակին  
Ման է գալիս մեր փողոցում,  
Թէ լաւ, թէ վատ եղանակին.  
Զուտ շուտ մեր տան դիմաց կանգնում,  
Աչքը տնգում է ուղղակի  
ՊատուՀանին իմ սենեակի,  
Յուսալով, թէ կըլաջողի  
Տեսնել դէմքը իւր տանջողի:  
Մի խօսքով նա սիրում է ինձ,  
Խելագարուած է ինձ Համար:

## ՎԱՀԱՆ

Սիրո՞ւմ է քեզ: Քայց ո՞րտեղից  
Եւ կամ ի՞նչպէս այդ իմացար:

## ԱՍՏՂԻԿ

Կնոջ աչքը, դու չգիտես,  
Թափանցիկ է ու սրտես,  
Եւ երբ որ սէրն է առարկան,  
Սիրտը դժուար խարէ աղջկան:—  
Այսօր եկել էր նորանից .  
Հօրս մօտ մի հարսնախօս կին.  
Աղբիւր էր թափվում բերանից,  
Ճարտար շարում խօսքը խօսքին,  
Փեսացուի արժանիքը  
Քարձրացնելով մինչ երկինքը:  
— Կից սենեակի դռան ետևից  
Ականջ դնել յարմար էր ինձ—  
Գովում էր նրա ազնուութիւնն,  
Քարի սիրտը, խաղաղ բարքը,  
Իշխանական հարստութիւնն  
Եւ նորա տան սարք ու կարգը:  
Ասում էր, որ թագուհու պէս

Նորա ձեռին միշտ կապրեմ ես,  
Եթէ միայն արժանանայ  
Իւր ամուսին կանչել ինձ նա:  
Հայրս իւր կողմից հաւանելով  
Առաջարկը խնամախօսի,  
Արձակեց նրան, խոստանալով,  
Որ իւր աղջկայ հետ կըխօսի,  
Եւ կըստանայ հարեանը  
Վաղը նորա պատասխանը:  
Ապա կանչեց նա ինձ իւր մօտ,  
Պատմեց բոլորը համառօտ,  
Թէ ինչի էր եկել կինը,  
Եւ ինչ էին խօսել նոքա:  
— Չգիտէին և ոչ մինը,  
Որ դռան ետեւ մի լսող կայ—  
Նա աշխատեց ինձ համոզել  
Համաձայնել գրացուն ուղել,  
Որ լինելով հարստի կին,  
Ապրեմ, ինչպէս մի մեծ տիկին:

### ՎԱՀՆՆ

Յետոյ, Աստղիկ, ինչ պատասխան  
Տուիր արդեօք դու քո հօրը:



ԱՍՏՂԻԿ

Ես խոստացայ նորան, վաՀան,  
Պատասխանել վազուայ օրը:

ՎԵՀԵՆ

Բայց կարո՞ղ եմ իմանալ ես,  
Թէ ինչ պիտի պատասխանես:

ԱՍՏՂԻԿ

Վասնձ, յօժար եմ ամուսին  
Լինել Հարուստ Հարուանին:

ՎԵՀԵՆ

Մի՛թէ կուզես նորան Ատողիկ,  
Կըլնիս ինձ անհաւատարիմ:

ԱՍՏՂԻԿ

Ե՛ր, կուզեմ, իմ վաՀանիկ,  
Որ իսկապէս քեզ պատկանիմ:

ՎԱՀԱՆ

Չեմ հասկանում:

ԱՍՏՂԻԿ

Կըհասկանաս,

Երբոր բոլորը կիմանաս:

ՎԱՀԱՆ

Ապա ուրեմն հասկացրու:

ԱՍՏՂԻԿ

Իմ ասածին լաւ ուշ դարձրու:—

Իմ բարեկամ, դու լաւ գիտես,

Թէ որքան թանկ ես ինձ համար.

Համոզուած եմ, որ դու նույնպէս

Զգում ես դէպ' ինձ սէր բոցավառ:

Բայց մենք աղքատ ենք երկուսս էլ,

Եւ պատահել է ինձ լսել,

Թէ սէրը փոր չիկշտացնի.

Ես կաւելցնեմ—սովից կանցնի:

Այդ պատճառով մտքից հանենք  
Ամուսիններ լինել իրար,  
Մենք աւելի շատ լաւ կանենք,  
Մնալով միմեանց միշտ սիրահար:  
Թող համաձայն մեր օրէնքին  
Ես համարուիմ ուրիշի կին,  
Սրտիս ընտրած ամուսինը  
Միշտ կըլինի իմ Վահանը:  
Իմ սէրը նա կըվայելէ,  
Նորան միայն կայրէ կիրքս,  
Նա ամեն օր ինձ կայցելէ,  
Ախտաբօրբօք կընկնի գիրկս:  
Եսն, Վահան, համաձայն ես:

### ՎԵՆԵՆ

Այն, բայց այդ ինչպէս կանես:

### ԱՍՏՂԻԿ

Միամիտ կանց, դորա համար  
Մտածել եմ մի լաւ հնար.  
Եւ այդ հնարն է մի պայման,  
Ինքն ըստ ինքեան անմեղ ու հեշտ,

Թէ ինձ սիրում է իմ փեսան,  
Պիտ' ընդունի նա անհրաժէշտ:

### ՎԱՀՆՆ


Աս՛ն ինձ այդ պայմանն, Աստղիկ:

### ԱՍՏՂԻԿ


Առ այժմ դա է մի գաղտնիք:—  
Հիմա գրկի՛ր, համբուրի՛ր ինձ,  
Եւ բաժանուի՛նք շուտ միմեանցից:  
Արդէն ուշ է: Վաղը կըրգաս  
Այս իսկ ժամին դարձեալ պարտէզ,  
Մնացած բաներն էլ կիմանաս,  
Եւ գաղտնիքս էլ կըլայտնեմ քեզ:

Իրաւ ուշ է: Այդ պատճառով  
Ես էլ ասում եմ. մնա՛ք բարով:  
Փամ է արդէն վերջացնելու  
Եւ քնի գիրկը մտնելու:  
Քալց նախ պէտք է ներողութիւն  
Խնդրեմ ես իմ ընթերցողից,

Որ երբակի երկարութիւն  
Ունի այս զլուխը առաջնից:  
Բայց շատերը անկողնի մէջ  
Սովորաբար քանի մի էջ  
Կարդում են, որ քունը տանի.  
Գուցէ գրուածքս պիտանի  
Կրկնի այդ նպատակին,  
Թէև այն ցանկալի չէր  
Այդ ինձ, իբրև հեղինակին.  
Բայց ինչ արած:— Բարի գիշեր:



## Դ.

 այոց Պարնասը զառիվեր,  
Դժուարակոխ է ինձ համար.  
Ես արծուի չունիմ թևեր,  
Որ սլանամ նորա կատար:  
Այնտեղ միայն հռչակաւոր  
Երգիչների համար կայ տեղ,  
Ապա հանճար է հարկաւոր,  
Որ բնդունուած լինիս այնտեղ—  
Մուսանների բնակարանում,  
Անմահների վեհարանում,  
Ուր Ասօլլօնը Մուսադէտ,  
Երգիչների գերիշխանը,

Յիմպոսի գագաթից լետ  
Ունի երկրորդ իւր կայանը.  
Եւ հանդէսներ կ'ստարելով,  
Նուագում է իւր ոսկէքնարը.  
Նրան ձայնակցում է պարելով  
Մուսաների անմահ պարը:  
Նոքա քայրեր են թւով ինը,  
Նոցա մայրն է Մնէժողինը,  
Եւ հայրը Զևսն Յիմպիացին,  
Որ արտաքոյ ամուսնութեան  
Ընծայեց իւր սէրն երկնածին  
Աստուածուհուն յիշողութեան:  
Յիմպիացու սիրհարական  
Նրկածների պատմութիւնը  
Ձէ իմ վէպի բուն առարկան,  
Թէ չէ արժէր կրկնութիւնը,  
Այսքան կասեմ այս անգամուան,  
Որ Զևսը էր մեծ Դօն-Փուան:  
Ինքը պաշտող գեղեցկութեան,  
Հէտն էլ շատ նուրբ ճաշակի տէր,  
Սիրունների համակրութեան  
Հասնելու հնարքը լաւ գիտէր:  
Այդ պատճառով նորա գրկին,  
Ոչ միայն անմահ գիցուհիներ,

Չատ հողածին աղջիկ ու կին  
Վաչելել են զգուանք ու սէր.  
Թէև նորա կինը Հէրան  
Նախատում էր նրան մի բերան:

Ես մի երգիչ և բանաստեղծ  
ԶԼսին ինչպէս դատապարտեմ,  
Մինչ համոզուած եմ, որ անկեղծ  
Չնորհակալիք նորան պարտ եմ:  
Չատ վատ բան է—այտտեղ ինչ վէճ —  
Ուրիշի կնոջ խելքից հանել  
Եւ աչգպէսով մարդ ու կնոջ մէջ  
Ղտելութեան սերմը ցանել.  
Բայց ինչ ԶԼսին թոյլ է տրուած,  
Մահկանացուն է արգելուած:  
Այն, ես ինձ Յլիմպիացուն  
Զգում եմ անչափ երախտապարտ.  
Եւ ո՞րն է այն մահկանացուն,  
Որ չլինի նրան շնորհապարտ:  
Նրա կատարած զեղծումները  
Բարոյական կանոնների  
Եւ իւր անձի կեղծումները  
Ամեն ոք էլ նրան կրների,



Որովհետև հետևանքը  
Բարեգարդեց մարդկանց կեանքը:  
Նորա սիրոյ պտուղներից  
Չնաշխարհիկ և պատուական  
Յիշատակել, թէ թոյլ տաք ինձ,  
Մի քանիսն էլ է բաւական,  
Իբր ապացոյց իմ խօսքերին,  
Թէ մենք Զևոյ Յիմպիական  
Էրոսական արկածներին  
Կեանքի վայելքն ենք պարտական:  
Հարկաւոր եմ համարում աստ  
Առաջ բերել քանի մի փաստ:

Մեզ ընծայեց նորա սէրը  
Չնորհալի մուտաներին,  
Նոցանից են պովէտները  
Ոգևորում շնորհով վերին,  
Եւ երգելով սէր ու գինի,  
Գեղեցկութիւն և քաջութիւն,  
Նախնեաց կեանքը առաքինի,  
Ուրախութիւն կամ տրամութիւն,  
Չարժում են մեր սիրտը ուժգին  
Եւ զմայլեցնում են մեր հոգին:

Էվրինօմէն չքնադատես  
Զևսից ծնաւ Քարիտներին,  
Որոնք, ինչպեղ որ դան Հանդէս,  
Զնորհք են տալիս ամեն բանին:  
Գիօնէին վիճակուեցաւ  
Զևսից լինել մայր Ատողկին,  
Որ իրաւամբ արժանացաւ  
Գեղեցկութեան մրցանակին.  
Նա է թովում սիրով քնքոյշ  
Մարդու սիրտը թէ վաղ, թէ ուշ:  
Նմանապէս Զևսն եղաւ Հայր  
Ապօլլօնին սուկէգանգուս,  
Որին թէև խաւարն է մայր,  
Մական ինքն է լուսոյ աղբիւր.  
Ատուած երգի, նուագածութեան  
Եւ առաջնորդ մուսաների,  
Քաջ զէկավար մտածութեան  
Պովէտների — իւր սաների,  
Որ իւր քնարով քաղցրահնչիւն  
Փարատում է մեր տրտմութիւն:  
Սէմէլէն, գուտարը Կաղմոսի,  
Ճաշակելով Զևսի սէրը,  
Եղաւ ծնողը Քաքոսի,  
Որի մեծ է սասնձնած դերը.

Նրա պարգևն է անոյշ գինին,  
Խաղողի հիւթն ուրախարար,  
Ոգևորողն երգիչներին,  
Կաստաղիայի ջրին հաւասար,  
Այդ պատճառով Պարնաս լերան  
Միւս զազաթն է նրան բնակարան:

« Ինչի համար, ասան, պովէտ,  
Պատմում ես մեզ այդ բաները,  
Ի՞նչ կապ ունին քո վէպի հետ  
Օլիմպիական աստուածները:  
Մենք հեթանոս չենք, մեզ համար  
Արժէք չունին կռապաշտական  
Առասպելները անհամար,  
Յունական, թէ Զրադաշտական:  
Նոյն իսկ Հայոց Անահիտը  
Արբէք գալիս չէ մեր միտը.  
Իսկ դու սկսել ես մի առ մի  
— Զրգիտենք, ինչ նպատակով —  
ԶԼսից սերուած բոլոր զարմի  
Անունները թուել կարգով:  
Թող ԶԼսին ու նրա պալատին,  
Փոյթ չեն մեզ ոչ նա, ոչ Էրոս.

Մենք Հելլէն չենք և ոչ Լատին,  
Ոչ դու Վիրգիլ կամ Հոմերոս:  
Թող Հին Օլիմպը Հնութեան  
Պատմիր, վերջ տուր քո պատմութեան».  
Ասում են ինձ տրտնջելով  
Ընթերցողներս անհամբեր,  
Ճակատներին կուտակելով  
Տհաճութեան մռայլ ամպեր:  
Բայց և այնպէս—մինչև անգամ  
Վտանգելով ես իմ վարկը—  
Նախ քան կրկին վէպիս կրգամ.  
Պէտք է քննեմ ես մեր վարքը.  
Արդեօք իրաւ այժմեան մարդիկ  
Գազարել են պաշտել Հին գիք:

Ճշմարիտ է, տասնինը դար  
Արդէն հաշվում ենք այն օրից,  
Ինչոր Որդին Մարդոյ արդար  
Խախտեց Օլիմպն իւր Հիմքերից,  
Եւ իւր խօսքով աստուածային,  
Հերքեց մոլար առասպելներն,  
Հերկեց սրտերը մարդկային,  
Ճշմարտութեան ցանեց սերմերն

Եւ մեզ համար, իբրև փրկանք,  
Խաչի վերայ կնքեց իւր կեանք:  
Սակայն, եթէ որ անաչառ,  
Խիտ քննենք մեր վարք ու բարքը,  
Կըհամոզուինք մենք անպատճառ,  
Գովելի չէ մեր արարքը.  
Կըհամոզուինք, որ լսի անուամբ  
Եւ առ երես ենք քրիստոնեա,  
Են ինչ գործով ու մտածմամբ  
Դից ջերմեռանդ ենք պաշտօնեա.  
Թէև լաւերը նոցանից  
Երհամարհած են մեզանից:

Այսպէս ահա Յիմպիական  
Աստուածների վեհապետին  
Ելծմ ապրող ազգը մարդկան,  
Տապալելով երկնից գետին,  
Ոչ միայն գրկեց նրան իւր վառ քից,  
Այլև խլելով նրա շանթերը,  
Հնարեց Ջևսի կիզիչ գէնքից  
Էլէքտրական լապտերները.  
Եւ օգնութեամբ նոյն շանթերի  
Խօսում հեռու սարդ անթերի:

Նորա ազնիւ կողակիցը,  
Ծանրաբարոյ տիկին Հէրան,  
Իւր ամուսնու պահակիցը  
Արքունիքում Յիւմպ լերան,  
Որ չնայած իւր հեշտասէր  
Տղամարդու արարքներին,  
Ինքը մնաց միշտ անձնուէր  
Ամուսնական իւր պարտքերին.  
Սակայն նորա օրինակին  
Այժմ հետևող շատ քիչ կայ կին:  
Զևսի գլխի ազնիւ ծնունդ,  
Կապուտաչեայ Աթէնասը,  
Որ շնորհում է հոգուն սնունդ,  
Իւր հանճարից տալով մասը,  
Այժմ չունի ոչինչ պատիւ  
Ոչ փոքրերից, ոչ մեծերից,  
Գա երևում է բազմաթիւ  
Յիմարական մեր դործերից,  
Որոնց կազմում չեմ ես ցանկը,  
Ափսոսալով աշխատանքը:  
Ես չեմ ուզում շարունակել  
Թուել անարգուած աստուածներին,  
Բաւական է լիշատակել  
Այստեղ երեք այդ մեծերին:

Այժմ անցնենք միւսներին,  
Որոնք այժմ աւելի, քան  
Վաղուց անցած հին դարերին,  
Մեր պաշտաման են առարկան:  
Դոցա թիւը մեծ է նոյնպէս,  
Բայց միայն չորսին կը փշեմ ես:

Չեսի գաւակն ապօրինի,  
Խորամանկ և դող Հերմէսը,  
Որ, դեռ մանուկ, Ապօլլօնի  
Գողացաւ լիսուն զէր եզր,  
Ունի անթիւ հետևողներ,  
Մարդիկ ամեն տեսակ կոչման,  
Թէ մեծ և թէ փոքր դողեր,  
Որոնց տէրն է նա և պաշտպան:  
Բայց մեր գողերն այնքան վարժ են,  
Որ մեն մէկը Հերմէս արժեն:  
Պատերազմի և սպանութեան  
Արիւնուռչա աստուած Արէսը,  
Որ մարդկային գազանութեան  
Կառավարում է հանդէսը,  
Չէ ունեցել այնքան զոհեր  
Կռապաշտութեան սև օրերում,

Որքան հիմա մեր մարդասէր  
Եւ լուսաւոր կոչուած դարում:  
Մենք կտտորում ենք բիւրերով,  
Ոչ ինչպէս հնում հարիւրներով:  
Մերկ զիցուհին պռանկութեան,  
Փրփրածինն Աֆրոզիտէ,  
Որ մարդկանց մէջ պիղծ ցանկութեան  
Կիրքը վառել շատ լաւ գիտէ,  
Ներկայումս է շատ լարդի,  
Աւելի ևս, քան հնում,  
Մարդիկ ամեն դասակարգի  
Նորա առաջ ծունր են դնում.  
Եւ ձօնում են նուէր առատ,  
Յաճախելով bal mascarade:  
Ատողիի հետ միհաւասար  
Վայելում է պատիւ ու փառք  
Գինու աստուածն ուրախարար,  
Որ տիրել է ամբողջ աշխարհք.  
Բայց Բաքոսի պաշտողները  
Բաւականանում չեն գինով,  
Նոքա լցնում են փորերը  
Ռոմով, սպիրտով, գրօզով, ջինով  
Նորան նուիրած մեհեաններում—  
Պանդոկներում, գինետներում:



Այժմ քեզ եմ զիմում, մուսս,  
Ո՛վ բարերար և շնորհատու,  
Երգչին, թէ նա քեզ վրայ լուսայ,  
Ընօգնական չես թողնի դու:  
Երգէն երեք տասնեակ տարի  
Ծառագ եմ ես, կամ բիդ Հնագանդ,  
Թէպէտ լարերն իմ քնարի  
Միշտ հնչեցրել չեմ ջերմեռանդ.  
Դորա համար և ստորոտում  
Պարնաս լերան կամ ես տրտում:  
Դորա համար մինչև այսօր  
Չէ զարգարում իմ ճակատը  
Դափնէ պսակը փառաւոր,  
Երգչի միակ վարձն ու զարդը.  
Դորա համար անյայտութեան  
Դատապարտուած է անունս,  
Վախենում եմ մտացութեան  
Տրուի նոյնպէս և աճիւնս,  
Երբ որ նաւակը Քարօնի  
Տանէ ինձ վայրը Պլուտօնի:  
Մի պատժիր իմ անհողութիւնն,  
Մանկութիւնը չէ հեռատես,  
Չէի սպասում, թէ ծերութիւնն  
Այսպէս շուտով կրգայ հանդէս.

Կարծում էի, երիտասարդ  
Տարինների շարքն է անվերջ,  
Միշտ կըլինիմ առույգ ու զուարթ,  
Հուրն եռանդի կըմնայ անշէջ.  
Ինձ թվում էր, կայ դեռ ժամանակ,  
Որ վաստակեմ փառք ու հռչակ:  
Սակայն ահա՛ ձիւնի նման  
Սպիտակել է գլխիս մազը.  
Էլ յոյս չկայ, որ մանկութեան  
Իրագործուի իմ երազը.  
Էլ չեմ ձգտում ականաւոր  
Երգիչների հասնել փառքին,  
Յգնիր գոնէ արժանաւոր  
Կերպով վերջ տամ իմ առակին,  
Որի վերայ, ոչ միշտ արի,  
Նշխատել եմ քանի տարի:  
Զնորհիր, մուսա՛, ինձ մի բաժակ  
Կաստալիայի անուշ ջրից,  
Որ նրբացնէ նա իմ ճաշակ,  
Ողևորէ, նոր ոյժ տայ ինձ  
Զարունակել սկսած վէպս  
Եւ տայ շուտով յաջող վախճան.  
Նպօլլօնը ինձ այն դէպս  
Գուցէ կանչէ զալ իւր խրախճան:

Ազա բան տուր ինձ ձին Ալեգաս,  
Որ վեր թռչեմ լեռան Պարնաս:

Օլիմպոսի և Պարնասի  
Հետ վերջացրի ես իմ բանը,  
Էլ այդ մասին բառ չեմ ասի,  
Ընցնում եմ իմ պատմութեանը:  
Յիշեցնում եմ քեզ, ընթերցող,  
Երկրորդ գլխից քանի մի տող,  
Ուր Աստղիկը խնդրեց Հօրը  
Սպասել մինչև միւս օրը,  
Եւ այդպէսով իւր աղջկան  
Մտածելու տալ ժամանակ,  
Որ պատասխանը վճռական  
Նա լաւ կշռէ ծանր ու բարակ:  
Վարդան աղան միւս օրը վաղ  
Զարթեց քնից և անյապաղ  
Գնաց ժամը և ջերմեռանդ  
Սրտով աղօթք արեց նա անդ:  
Յետոյ ժամից երբ դարձաւ տուն,  
Եւ Աստղիկի Հետ Հիմնաւոր  
Խօսեց, ստացաւ ոչ Հաստատուն  
Պատասխան, այլ պայմանաւոր:

Ապա ծերը նոյն առաւօտ  
Անձամբ գնաց իւր գրացու մօտ,  
Եւ իւր աղջկայ կողմից նորան  
Քերեց ահա այս պատասխան.

Թէպէտ վաղուց վճռել է նա  
Կին չդառնալ երբէք մէկին,  
Որ այդպէսով չհեռանայ  
Նա ծնողից իւր թանկագին.  
Խնամէ նորա ծերութիւնը,  
Սփոփէ նորա տխրութիւնը,  
Մինչև որ ձայնը Արարչի  
Նորան իւր մօտ կանչել հաճի:  
Այնուհետև այս աշխարհի  
Հրապոյրներից հեռանալով,  
Իրրև ժուժկալ միանձնուհի  
Կուսանոցումը փակուելով,  
Սրտով մաքուր, հոգով զգատտ  
Նա երկնային լոյս առագաստ  
Ընդունուելու արժանանայ,  
Անմահ փեսային հարսնանայ.  
Քայց յարգելով իւր հօր կամքը,  
Ուրախութեամբ կըհաւատայ

Իւր ապագան և իւր կեանքը,  
Ուժ որ հայրը իրան կըտայ:  
Միայն մի բան խնդրում է նա,  
Որ փեսացուն նրան խոստանայ  
Իւր տան մէջ մի փոքր և չարմար  
Սենեակ սարքել նորա համար,  
Ուր նա մենակ և անարգել  
Հանդարտ սրտով կարողանայ  
Գիշերները աղօթք անել,  
Առաջ քան թէ քնելու գնայ:  
Նա լոյս ունի, որ իւր փեսան,  
Թէ որ սրտանց սէրում է նրան,  
Մերժելու չէ այս պայմանը,  
Թէ ուզում է գլուխ դայ բանը:

Ո՛հ, ինչպէս քաղցր էր փեսային  
Լսել նրանից այս խօսքերը,  
Նրան թվում էր, թէ երկնային  
Աւետիս է տալիս ծերրը:  
«Չնորհակալ եմ, Տէր իմ Աստուած»,  
Կանչեց նա խիստ ողևորուած,  
«Որ լսելով աղաչանքս,  
Կատարեցիր դու բաղձանքս:

Իմ յայտերը քաղցր և անդին  
Չանցան, իբրև լուկ երազներ,  
Ինձ շնորհում ես Քո երկրածին  
Հրեշտակներից մինը ընկեր:  
Այսուհետև էլ ոչինչ բան  
Պակաս չէ իմ երջանկութեան.  
Վայելելով նորա սէրը,  
Ուրախ կանցնեն իմ օրերը:  
Չեմ նախանձի թագաւորին,  
Նստած ոսկէ աթոռի վրայ,  
Ոչ էլ նորա փայլուն թագին.  
Իմ թագն ու պսակը ես գտայ:  
Ահա, հայր իմ, քո աղջկան  
Այս մատանին տար դու նշան.  
Ասա, որ ես բոլորովին  
Համաձայն եմ նրա պայմանին:  
Նորա ուզած սենեակը  
Արդէն պատրաստ կայ իմ տանը,  
Փոքրիկ, դուռը գէպի բակը,  
Գէպի պարտէզ պատուհանը:  
Երբ կամենայ առանձնանայ,  
Հոգով Աստծոյ հետ միանայ,  
Կարող է միշտ նա անարգել  
Այնտեղ հանգիստ ազօթ քանել:

Ես յարգում եմ նորա սրտի  
Ատուածհաճոյ աշդ զգացմունքը,  
Սուրբ աղօթքով իմ ամուսնի  
Հաստատ կրմնայ իմ տան հիմքը:  
Երջանիկ եմ, որ նորա պէս  
Բարեպաշտ կին կունենամ ես.  
Նա երկնքի օրհնութիւնը  
Իւր հետ կրբերէ իմ տունը:  
Այժմ գալով այն բանին, թէ  
Անչափ ծանր է նորա համար  
Հօրից բաժան ապրել, միթէ  
Գորան չկայ ոչինչ հնար:  
Քեզ յալտնի է, հայր պատուական,  
Որ ես, իրբև օտարական,  
Այս քաղաքում ոչոք չունիմ  
Ինձ ազգական ու մտերիմ,  
Զատ երջանիկ կըլինիմ ես,  
Որ գեղեցիկ ամուսնուս հետ  
Ես վաստակեմ մի հայր, քեզ պէս  
Առևտրական գործում վարպետ:  
Ահա այս է խնդիրքս առ քեզ,  
Որ, յուռով եմ, թէ կըյարգես.  
Համարելով ինձ քո զաւակ,  
Ապրի՛ր ինձ հետ մէկ յարկի տակ:

Անասելի ուրախութիւն  
Զգաց իւր սրտում Վարդան ազան,  
Երբոր իւր ճառը եռանդուն  
Արտասանեց փեսացու տղան:  
Իբրև ծնող գորովագութ,  
Որ մի միայն էր հետամուտ  
Տեսնել իւր դուստրը բազդաւոր  
Ամուսնու հետ արժանաւոր,  
Հասկացաւ, որ հենց իւր խնդրած  
Մէկը կանգնած է իւր առաջ,  
Որ իւր ազգկան տէր է բնորած  
Բազդի կամքովը բարեհաճ:  
«Յրհնած լինիս», ասաց, «որդի,  
Մխիթարիչ դու իմ սրտի  
Ուրախ եմ, որ քեզ պէս մէկին  
Իմ Աստղիկը կըլինի կին:  
Ես քո սիրուն ու խնամքին  
Յանձնում եմ մի քնքոյշ ծաղիկ,  
Յուսով եմ, այդ աւանդն անդին  
Անշուշտ կանես դու երջանիկ:  
Սիրիւր նորան սիրով քնքոյշ,  
Վարուիւր հետը քաղցր և անոյշ,  
Եղիւր նորան տէր և պաշտպան,  
Իբրև հրեշտակ մի պահապան:



Եւ ես կամ քեզ երաշխաւոր,  
Որ չի լինի նա ապերախտ,  
Սիրով կանէ քեզ բաղդաւոր  
Եւ կըղարձնէ տունդ դրախտ:  
Ես էլ ձեզնով միտիթարուած,  
Կունենամ միայն այս խնդրուած.  
Երժանացնէ կամք Ստեղծողին,  
Որդիք, ինձ ձեր ձեռի հողին—  
Հնդուում եմ քո հրաւերը  
Նայել քեզ հետ մէկ յարկի տակ.  
Ողորմած է ծերիս Տէրը,  
Չնորհելով ինձ մի գույգ գաւակ»:

— Միամիտ կայ, Հայր պատուական,  
Լաւ կըպահեմ քո աղջկան,  
Չեմ խնայի ես ոչինչ գոհ,  
Որ ինձանից լինի նա գոհ:  
Նա կըլինի իմ տիրուհին,  
Եւ ես նորա ստրուկը հնազանդ.  
Նա կըլինի իմ գիցուհին,  
Ես նրա պաշտողը ջերմեռանդ:  
Գրաւել նորա սրտի սէրը,  
Ահա այժմ իմ միակ գերը:

Նա կրլինի իմ տան զարդը,  
Մինչև կեանքիս զայ աւարտը:  
Միայն խնդրում եմ, էլ չուշացնես  
Տալ կատարումն իմ ըղձերին,  
Եղջկանդ իմ սիրուն յանձնես,  
Եսրեմ, մեռնեմ նորա ձեռին:  
Թէ քո կողմից արգելք չկայ,  
Եսա թող այս առաջիկայ  
Ուրբաթ մեր պսակը կատարենք,  
Ինչպէս որ ծէս է և օրէնք:

Ընթերցողներ, դեռ չէք տեղեակ,  
Ինչ էր անուր փեսայի.  
Յանգի Համար, թէ թող կրտաք,  
Ես կանուանեմ նրան Եսայի.  
Իսկականը ինձ չէ յայտնի,  
Թէ չէ ինչ Հարկ պահել զաղտնի:  
Մարդուն անուամբ, իմ կարծիքով,  
Չպէտք է տալ պարտաւ կամ գով:  
Անշուշտ շատ կան լաւ անուաններ.  
Արամ, Տիգրան, Վարդան, Ներսէս,  
Որոնցով Հայ դիւցազուններ  
Հին դարերում եկել Հանդէս:

Քանիսն են կրում անուն Ասոն,  
Ունինք անգամ Նապօրէօն,  
Քայց մենք գիտենք իրանց անուան  
Չատ պարօններ կան անարժան  
Այսպէս ուրեմն լոկ անուամբ  
Մարդս ստանում չէ արժանիք,  
Երբ մանաւանդ նա իւր վարմամբ  
Կրում է ճակտին վատութեան կնիք,  
Քայց Հերիք է այժմ այդ մասին:  
Վերն ասացի. իմ Հերոսին  
Ես անուանում եմ Եսայի,  
Թէպէտ անուն չէ դա Հայի:

Եկեղեցում, լուսաւորում  
Հարիւրաւոր մոմերով վառ,  
Մեծ բազմութիւն է ժողովում,  
Անուշահոտ ծխովում բուրվառ:  
Քեմի առաջ հարսն ու փեսան,  
Նոցա դիմացը քահանան  
Կատարում է խորհուրդ պսակի  
Մեր Եսայու և Ասողկի:  
Հարսի ճակտին հրեշտակային  
Անմեղութիւն է դրօշմած,

Մարդիկ, որոնք անդ ներկայ են,  
Նորա ղեղովն են հիացած:  
Վայելչակազմ նազ հասակը  
Պսակի բարակ քողի տակը  
Ըւելի ևս է հրապուրիչ,  
Կրկնապատիկ նազ ու դրաւիչ:  
Լիքը կուրծքը հանդերձի տակ  
Բարձրանում է հպարտ հպարտ,  
Ընն ինչ աչքերը սևորակ  
Յած են նայում հեզ ու հանդարտ.  
Ո՞վ կրկարծէր, իմ ընթերցող,  
Թէ փեսայի կողքին կանդնող  
Յրիորդը մեզ լաւ ծանօթ,  
Սիրուն Ըստղիկն է փաւաշոտ,  
Որ հաղիւ կայ քանի մի օր,  
Իջաւ սպարտէղը կամացուկ,  
Սիրականի հետ տարփաւոր  
Տեսակցութիւն արեց ծածուկ:  
Բայց այդ թողնենք: — Երբ տէրտէրը,  
Բանելով նոր հարսի ձեռք,  
Ըսաց ձայնով հանդիսաւոր  
Ըյս խօսքերը խորհրդաւոր.  
«Առեալ զձեռն Եւայի  
Եւ տուեալ լաջն Ադամայ»...

Արախ թնդաց սիրտ՝ փեսայի,  
Յնցուեց Ասողիկը ակամայ:  
Բայց ինչ էին նոքա մտածում  
Այդ րոպէին, ես չեմ կարծում,  
Ընթերցողներ, թէ ձեզ համար  
Գուշակելը լինի դժուար:  
Այդ պատճառով ձեր հաճութեամբ  
Ես պահպանում եմ լուսթիւն,  
Յուսով եմ, որ տհաճութեամբ  
Ձէք պատժի իմ համեստութիւն:—  
Եհն պսակի սուրբ խորհուրդը  
Վերջացաւ և ժողովուրդը,  
Առաջնորդուած նուագածութեամբ,  
Կնաց փեսայի տուն ցնծութեամբ:

**Երեք** օր ու երեք գիշեր  
Տեւեց նոցա հարսանիքը.  
Գատարկուեցան ոչ թէ շիշեր,  
Այլ կարասներ գինով լիքք:  
— Եհա այդպէս էին հնում  
Մեր պապերը գինի խմում.  
Արախութեան չկար սահման,  
Արախութիւնն էր ամեն բան:

Կեր ու խումին յաջորդում էր  
Նուազածութիւն և երգ ու պար,  
Ապա կրկին պտտում էր  
Պինու գաւաթն ուրախարար.  
Եւ մէջ և մէջ ծիծաղ, կատակ,  
Ուրախ գոչիւն և աղաղակ.  
Այդ բոլորը խնջոյքին ոյժ  
Եւ Հիւրերին տալիս աշխոյժ:  
Չքնադատես նորահարսի  
Քեղեցկութիւնը Հազուադիւտ  
Տալիս էր անդ երգող դասի  
Քաղցրանուագ երգերին նիւթ:  
Կէսգիշերին երբորդ օրը  
Հազիւ վերջացաւ բոլորը,  
Եւ ցրուեցան իրանց տները  
Ետայ՝ աղալի Հիւրերը:  
Եւ մեր յոգնած Հարսն ու փեսան  
Ուրախ էին, որ վերջապէս  
Ննջարանում իրար տեսան  
Միայնակ և երես երես:

**Մ**ենք էլ թողնենք նոցա Հանգիստ,  
Որովհետև յոգնած են խիստ.

Այս բուսկէին նոցա համար,  
Կարծես, թէ էլ չկայ աշխարհ:  
Բայց քեզ և ինձ, իմ ընթերցող,  
Մեզ էլ պէտք է հանգստութիւն,  
Կրգայ մի օր բարեյաջող,  
Կըվերջացնեմ իմ պատմութիւն:  
Այժմ անել այդ չեմ կարող,  
Հազիւ շարուն եմ տողին տող.  
Անշուշտ ինքդ էլ ես նկատում,  
Էլ լանգը ինձ չէ հնազանդում:  
Ժամանակին դադարելով,  
Կանես ոյժի տնտեսութիւն,  
Ես էլ այս գլուխը կնքելով,  
Ատում եմ քեզ «ցտեսութիւն»:



Ե.



Եսալ՝ աղան իւր սիրունիկ  
 Կնոջ հետ ապրում է բաղդաւոր,  
 Նա ուրախ է, գոհ, երջանիկ,  
 Չէ ոչոքին նախանձաւոր:  
 Նախանձելին է նա ինքը.  
 Նորան շնորհել է երկինքը,  
 Իբր ամուսին, ոչ թէ մի կին,  
 Այլ թէ հրեշտակ մի հողածին:  
 Չքնաղ Աստղիկը իւր մարդուն  
 Նուիրում է սէր ու յարգանք,  
 Միշտ ժպիտով քաղցր ու գուարթուն  
 Առնում համրոյր ու փայլփայանք:



Հիացած է Եսայ՝ ազան  
Իւր ամուսնովը արմազան,  
Որ հեղ է, իբր գառնուկ անմեղ,  
Հողին մաքուր, իբրև բիւրեղ,  
Սիրտը փափուկ, զգայուն, բարի.  
Իւր ամուսնուն հլու հնազանդ,  
Տանը տիկին ժիր և արի,  
Իբրև մշակ մի ջերմեռանդ:  
Մարդու կամքը նորս համար,  
Կարծես, օրէնք է փրկարար.  
Ծառայելով նրա հաճութիւն,  
Միշտ նայում է աչք ու լոնքին:  
Մի՛ զարմանար, իմ ընթերցող,  
Ըստղիկ տիկնոջ այդ վարմունքին.  
Գրանով խաբել մեղ չէ կարող,  
Մենք ծանօթ ենք նրա գաղտնիքին.  
Նա ուզում է լիմարացնել,  
Մարդուն, նրա աչքը շրլացնել,  
Եւ, ի հարկէ, նպատակին  
Հասաւ, իբրև խորամանկ կին:

Պսակի ամիսը անգրանիկ  
Անշուշտ է շատ անուշահամ,

Որ տալիս են Եւրոպացիք  
Նորան անունը մեղրաՀամ,  
Եւ տինքն քաղցր մեղրի պէս.  
Եւ թէ իրաւ է այդ այդպէս,  
Կարճատեւ է երջանկութիւնն,  
Որ տալիս է ամուսնութիւնն:  
Որովհետեւ եթէ այդ քան  
Քաղցր է սկիզբն ամուսնութեան,  
Եպա անշուշտ լետոյ կրկան  
Օրեր վշտի և դառնութեան:  
Ես կարծում եմ, այդ սխալ է,  
Այդ մասին իմ Հայեացքն այլ է:  
Ամուսնութիւնն, իբրև վիճակ,  
Միշտ պիտ' լինի միատեսակ.  
Բայց եթէ պէտք է անհրաժէշտ,  
Որ բաժանենք շրջանների,  
Եւելի ևս յարմար է, Հեշտ  
Եւ բնականից էլ չէ հեռի,  
Ստենք, որ նա տարուայ նման  
Ունի չորս այլ և այլ շրջան.  
Ամուսնութեան սկիզբն է դարուն,  
Քնքոյշ սիրով միշտ զարդարուն,  
Հրաշալի և քաղցր եղանակ,  
Կարծես դրախտի մէջ փափկութեան

Անց են կենում այդ ժամանակ  
Սկզբի օրերն ամուսնութեան,  
Յաջորդում է նորան ամառ,  
Սէրն աւելի ջերմ է ու վառ.  
Նորա պտուղը թանկագին  
Հասնում է այդ եղանակին.  
Ապա գալիս է պտղառատ  
Եւ օրհնութեամբ լիքը աշուն,  
Ամուսնական սէրն անարատ  
Ստանում է իւր վարձն այդ պահուն.  
Այնուհետեւ թող գալ ձմեռ,  
Երբ բնութիւնն է կիսամեռ,  
Մարդուն ու կնոջն արծաթաՀեր  
Կրտաքացնէ փոխադարձ սէր:

### Իմ նորագոյսակ Հերոսների

Պսակի ամիսը անդրանիկ  
Նկարագրել ինձ չեմ ների,  
Ոչ թէ, որ դա է մի դաղտնիք,  
Այլ պատճառն այն է, որ ինքս  
Չեմ կատարել Հարսանիքս  
Եւ մնացել եմ ամուրի  
Ինչպէս մենակ կանգնած ուռի:

Այդ պատճառով և զաղափար  
Անդամ չունիմ ես այն մասին,  
Թէ ինչով մեղք է կամ շաքար  
Սկզբի ամիսն հարս ու փեսին:  
Մեղաւոր չեմ ես այդ բանում,  
Մեղաւոր ձեզ եմ անուանում,  
Հայ սիրուններ, պարկեշտասուն,  
Սրտով բարի, մտքով հասուն,  
«Որոնց թշին վարդ է բացուել,  
«Սպիտակ ճակտին մի շուշան,  
«Փպխոր բերնից ցած չէ գալիս,  
«Անմեղութեան է նշան»:  
Ինչպէս երգում է ձեր մասին  
Նա, որ երգեց «Մայր Արաքսին»:  
Որոնց զեղով լափշտակուած,  
Որոնց սիրով ոգևորուած,  
Մի այլ սակաւ լայտնի երգիչ,  
Այժմ մոռցուած բոլորովին,  
— Որովհետեւ երգեց նա քիչ—  
Նուիրեց սիրուն երգ ձեր գովին,  
Երբ նա պանդուխտ, օտար երկրում  
Ձեզ կարօտով միտն էր բերում.  
Մոլորուած էր ու չգիտէր,  
Հրեշտակ, թէ մարդ ձեզ անուանէր.

Որ ձեր սէրը սրտում պահած,  
Միայն նորանով էր կենդանի,  
Յուսով էր, թէ կեանքն իւր մաշուած  
Միայն ձեր սէրը կրպակպանի: —  
Ես էլ, թէև ոչ անուանի  
Երգիչ, ձօնել եմ մի քանի  
Երգեր ձեզնից մէկին, միւսին,  
Խոստովանել սէրս երկուսին,  
Սակայն բոլորն էր միայն զուր ջանք.  
Չգրաց դէպ' ինձ և ոչ մինը  
Համակրութիւն, սէր ու տենչանք  
Ու չեղաւ իմ ամուսինը:  
Այսպէս ահա անմխիթօր  
Ես ապրում եմ ամբողջ կէս դար.  
Մի վշտանաք ուրեմն ինձնից,  
Որ գանգատվում եմ ես ձեզնից:

Երբորդ ամիսն է գնում արդէն,  
Ինչոր Աստղիկն ու Եսային  
Բաղդաւորուած կին ու մարդ են,  
Իրօք, թէ ըստ երևոյթին,  
Այդ մի և նոյն է մեզ Համար,  
Մանաւանդ որ է շատ դժուար

Միշտ իմանալ այն գաղտնիքը,  
Որ թագցնում են մարդ ու կնիկը:  
Այդ այնպէս է ոչ միայն հիմա,  
Այդպէս եղել է և հնում,  
Արդ ներկայից ուրեմն իման.  
Նոյնը կրչնի ապագայում:  
Բայց անցեալը գնաց, չկայ,  
Ապագան էլ դեռ պիտի գայ.  
Ներկան է ինձ հետաքրքրում,  
Թէպէտ և հին առակ եմ գրում:

Բայց այս ներկան, ո՞վ Արարիչ,  
Որքան տղեղ է ու ցեխոտ,  
Ինչպէս փտած, կեղտոտ ճահիճ,  
Ապականուած ու գարշահոտ:  
Սրբազան կապն ամուսնութեան  
Խզուած է այժմ, և շնութեան  
Մնացել է լայն ասպարէզ.  
Ամուսինները առ երես  
Սիրով ապրում են իրար հետ,  
Իրար հետ հաշտ են, մտերիմ,  
Իրար կեանքով երդվում, թէպէտ  
Ամենքը չեն հաւատարիմ:

Մտէք պարտէզը «Եւրոպա»,  
Երբոր այնտեղ «մասկարադ» կալ,  
Գնացէք «Վագա» և «Մուշտաիդ»,  
Միւս պարտէզները ստուերախիտ,  
Ուր բազմաթիւ դալար հիւղեր  
Պատասպարում են գեղխութիւնն,  
Ուր վատնում են տներ, գիւղեր  
Եւ թանկագին առողջութիւնն  
Մեր պատուելի քաղաքացիք,  
Երիտասարդ և ծեր մարդիք,  
Թէ փողաւոր վաճառական  
Եւ թէ կրթուած ազնուական,  
Որոնց մասին, ում որ հարցնես,  
Ունին ամենքը լաւ կարծիք,  
Համարելով ընդհանրապէս  
Վարքի կողմից անբիծ մարդիկ:  
Եհն գոքա գիշերն ի բուն  
Ենց են կացնում այնտեղ անքուն  
Լկտի կանանց հետ միասին  
Եւ տուն դառնում արշալոյսին:

**Այր** մարդկանցից անհամեմատ  
Բարձր են վարքով նոցա կանաչք,

Ողջախոհ են և անարատ  
Դեռ մեծ մասը մեր հայ տիկնայք,  
Թէև, ի հարկէ, այնպէս չեն,  
Ինչպէս գովում է Եղիշէն,  
Որ հինգերորդ դարում ապրող  
Կանանց ձօնում է իւր ներբող:  
Փամանակը հետզհետէ  
Փոփոխում է վարք ու բարքը,  
Չլինէր այդ այդպէս եթէ,  
Բիրտ կրմնար այս աշխարհքը,  
Կար երբեմն, որ հայ կիներ  
— Գլուէ մեզնից ամեն մինը —  
Գռան ճեղքից զազտ ու ծածուկ  
Գուրս էր նայում զգոյշ, կամացուկ,  
Իսկ փողոցում պատահարար  
Թէ հանդիպէր տղամարդուն,  
Սէքը ձգած դէպի խոնարհ  
Կարմրելով շտապում էր տուն,  
Կամ երեսը դարձնում պատին,  
Իսկ իւր քամակը անցորդին:  
— Իմ ընթերցող, դու այդ դժուար  
Թէ անուանես քաղաքավար:



Այն ինչ հիմա ամենուրէք  
Գուք կրտեսնէք հայ կնոջը  
— Հին պատկառանք, պարզ կեանք, ուր էք—  
Քաշ է տալիս երկար պոչը  
Նորատարազ իւր հանդերձի  
Եւ քամակը, կասես գէր ձի,  
Ուռցնում է, ինչպէս բլուր,  
Անուանելով զարդն այդ «տուրնիւր»:  
Այժմ ոչ միայն չէ ծածկում նա  
Այլ մարդկանցից իւր երեսը,  
Այլ թէ խնջոյք կամ «բալ» գնայ  
Մերկացնում է մարմնի կէսը:  
Այն, այլ է ժամանակը,  
Այլ և կեանքի եղանակը,  
Ինչոր առաջ էր չարգելի,  
Այժմ համարվում է ծաղրելի:  
Եւ մեր կանայք իրանց դարից  
Աշխատում են չմնալ լիտ,  
Որ համարուին ոչ օտարից  
Նոքա անկիրթ, կոպիտ, տղէտ,  
Էլ առաջուայ կրաւորական  
Գերով նոքա չեն բաւական,  
Այլ այլ մարդկանց հետ հաւատար  
Պահանջում են իրանց համար

Նոքա պէս պէս իրաւունքներ  
Եւ հեշտութեամբ խրացնում են,  
Նոր հայեացքներ ու սկզբունքներ,  
Երբեմն չափիցն էլ անցնում են:  
Եւ պատուէրը մովսիսական,  
Որ ասում է. «սկն ընդ ական  
Եւ ատամն ընդ ատաման»,  
Կատարում են ճիշտ, անպայման:  
Ելից պատճառով և մեղանում  
Եճում է այն կանանց թխը,  
Որոնք ոտնակոխ են անում  
Իրանց տղամարդկանց պատխը.  
Մինչ մարդիկ դուրսն են զուարճանում,  
Նոյնը կանայք տանն են անում.  
Եւ այդպէսով նոքա միմեանց  
Եւաջ լինում են պարտագանց:  
Կան այժմ կանայք—ինքս եմ վկայ—  
Լուսաւորուած թէ շատ, թէ քիչ,  
Երբ որ մարդիկն են բացակայ,  
Հրաւիրում են մխիթարիչ.  
Ճանաչում եմ նոյնպէս մէկին,  
Որ ունեւոր մարդու է կին,  
Նա գործ է զնում ինքնահնար  
Փարգու սիրուց խոյս տալու հնար.

Երբ քաղաքից ամուսինը  
Հեռացած է ամիսներով,  
Ելզ միջոցին նրա տիկինը  
Զբաղուած է իւր սիրողներով,  
Քայց երբ մարդը վերադառնում,  
Իսկույն կինը Հիւանդանում,  
Եւ ամեն օր մանկաբարձը  
Ելցելում է, ստանում վարձը:

Քայց Հեռացայ խօսքից դարձեալ  
Եւ սկսեցի երկար բարակ  
Քննել ներկան, մինչդեռ անցեալ  
Փամանակի գրում եմ առակ:  
Ինքս էլ դժգոհ եմ այդ բանից,  
Քայց չեմ կարող զսպել ինքս ինձ,  
Թէև գրանով, ես լաւ գիտեմ,  
Դրգուում եմ շատին իմ դէմ:  
Թէպէտ, իբրև լուսանկար,  
Պատկերացնում եմ ես ներկան,  
Ստորագրելով զբջով տկար,  
Ինչպէս որ է ինքն առարկան.  
Քայց յայտնի է, առ Հասարակ  
Ճշմարտութեան միշտ հակառակ

Է մարդկային բնութիւնը,  
Եւ այս խօսքի ստուգութիւնը  
— Անշուշտ գիտէ ընթերցողը —  
Պարտական ենք հին առածին.  
«Ճշմարտութիւնը ասողը  
Պէտք է պատրաստ ունենայ ձին»:  
Ինձ փախչելու չկայ հնար,  
Պատրաստ չունիմ ես երիվար,  
Ապա խնդրում եմ ներեն ինձ,  
Որո՞նք դժգոհ են ինձանից:  
Նոցա առաջ իմ յանցանքը  
Միայն այսքան է, ոչ աւելի  
Որ նոցա ճիշտ կերպարանքը  
Յոյց տուող ունիմ ես հայելի:  
Բայց որպէս զի չգայրացնեմ  
Նոցա, լաւ է նորից անցնեմ  
Իմ առակին և աշխատեմ,  
Յաջորդ գլխովը աւարտեմ:

Ուրեմն Եսայ'ն և իւր կիներ  
Ապրում էին շատ բաղդաւոր,  
Զէր նոցանից և ոչ մինը  
Իւր վիճակից գանգատաւոր.

Իրար սիրում, իրար յարգում,  
Քիչ կրկանուի այս աշխարհքում  
Նոցա նման մարդ ու կնիկ,  
Իրարով զոհ և երջանիկ:  
Գոնէ այդպէս էին կարծում,  
Ով որ ծանօթ էր նոցա հետ,  
Ոչ միայն ոչոք չէր նախանձում  
Նոցա բաղդին ու նայում խէթ,  
Այլ թէ օտար, թէ ընտանի  
Նոցա տալիս էր երանի  
Եւ ցանկանում էր, որ լինի  
Նոյն բաղդին և ինքն արժանի:

Հերոսներիս ընտանեկան  
Կեանքն էր խաղաղ և անվրդով.  
Եսայ՛ն սիրում էր իւր կնկան  
Քոյօր հոգով, բոյօր սրտով,  
Նաև Ետողիկը իւր կողմից  
Կարծես թէ էր նրան զգայակից,  
— Թէև գաղտնիք չէ մեզ համար  
Որ նա ունէր մի սիրահար: —  
Առաւօտից մինչև մութը  
Եսայ՛ն լինում էր խանութում,

Երբեմն մինչև ժամը ութը,  
— Այնտեղ էր նա իւր ճաշն ուտում—  
Ապա յողնած գալիս էր տուն  
Եւ վայելում հանգստութիւն  
Իւր գեղեցիկ կնոջ գրկին,  
Եւ անձնատուր քնքոյշ կրքին,  
Զբթունքները վարդակարմիր  
Իւր ամուսնու չքնաղաղէմ  
Համբուրում էր նա անձանձիր  
Եւ երազում իւր տունն Եդեմ:  
Այսպէս սիրոյ թւեցրի տակ  
Անցնում էին ժամերն արագ,  
Մինչև ծառան յայտնէր կամաց,  
Թէ պատրաստ է իրիկնահաց:  
Սուփորարար երեք հոգով  
Աստղիկն, Ետայն, Վարդան աղան,  
Եթէ չկար հիւր նոցա քով  
Նստում էին հացի սեղան:  
Աստղիկ տիկինն ընթրիքից լետ  
Հեռանում էր խսկոյն և եթ  
Նախ իւր սենեակն աղօթելու,  
Ապա թէ գնում էր քնելու:

Աստղիկ տիկնոջ աղօթարանն  
էր մի փոքրիկ, մաքուր սենեակ,  
Յարմարաւոր առանձնարան,  
Ամեն կողմից համարեա փակ:  
Բակի կողմից ունէր մի գուռ,  
Ար փակվում էր ներսից ամուր,  
Պատուհանը վանդակապատ  
Նայում պարտէզը ցանկապատ.  
Ծառեր, թփեր նրբանկար  
Նորա պատերն էին զարդարում,  
Կրկարձէիր մի փոքրիկ փայլ  
էր այդ սենեակը անտառում.  
Առաստաղը կապուտ ներկած,  
Երկնքին էր նմանեցրած,  
Վրան ոսկէգօծ և լուսաւոր  
Փայլում աստղեր հարիւրաւոր:  
Եւ յատակը հարթ ու ողորկ  
Մարմար քարից, ոչ հասարակ,  
Ծածում էր մի կակուղ մեծ գորգ,  
Ինչպէս թաւիշ նուրբ ու բարակ.  
Չկար ոչինչ կահ կարասիք  
Այդ սենեակում փոքր ու գողտրիկ,  
Միայն պատի մօտ արեւելեան  
Կանգնած էր մի փոքրիկ սեղան,

Որի վերայ երկու երեք  
Գարսաճ էին փառակազմ զիրք,  
Սաղմոս Գաւթի, կողքին Նարեկ,  
Աւետարան և ժամագիրք:  
Ահա այստեղ մարդու հետ հաշտ  
Աստղիկ տիկինը բարեպաշտ  
Հեռանում էր աղօթելու,  
Նախ քան զնում էր քնելու:  
Բայց աղօթքն էր լոկ պատճառտնք,  
Սիրուն Աստղիկն այդ միջոցին  
Վայելում էր սէր ու տարփանք  
Իւր Վահանի քնքոյշ ծոցին,  
Մինչ Եսային գլուխը բարձին  
Սպասում էր կնոջ վերադարձին,  
Որ գեղեցիկ իւր ամուսնուն  
Գրկած մտնի նա անոյշ քուն:

Երեք ամիս այդպէս անցաւ,  
Գուցէ փոքր ինչ էլ աւելի,  
Մինչև Եսայ'ն մեր իմացաւ  
Կնոջ արարքը պարսաւելի:  
Որովհետև ո՞վ չգիտէ  
Հասարակաց առածը, թէ



Կնոջ մեղքերը միշտ վերջինը  
Իմանում է ամուսինը:  
Մի օր նորա Հարևանը  
Իբրև գաղտնիք լայտնեց նորան,  
Թէ զիշերները նրա տանը  
Մէկն այցելում է նրա կնկան:  
Այլա՞ծ մնաց խեղճ Եսային,  
Երբ իմացաւ զժողային  
Նենդութիւնը նա իւր կնոջ.  
Պիտ՝ Հաւատար, արդեօք, թէ ոչ:  
Չէ՞ որ Աստղիկը սիրում էր  
Նորան անկեղծ ու ջերմագին,  
Փայփայելիս անուանում էր  
Իւր ամուսինը թանկագին,  
Չէ՞ որ նա Հեզ էր ու պարկեշտ,  
Միթէ կարո՞ղ էր այդպէս Հեշտ  
Իւր պատիւը նա մոռանալ,  
Այդչափ ընկնել ու ստորանալ:  
«Ո՛չ», ասում էր նա ինքն իրան:  
«Անկարելի է այդ բանը,  
Թշնամի է գուցէ նորան,  
Կամ սխալվում է Հարևանը.  
Սակայն խախտուեց իմ Հաւատը,  
Պիտ՝ իմանամ լաւն ու վատը,

Պիտ' իմանամ, արդե՞ք իրաւ  
Կինս վարվում է անիրաւ,  
Թէ միմիայն չար նախանձից  
Իրդած, գրացիս է Հետամուտ  
Քաժնել ինձ իմ կնոջ անձից,  
Եւ Հնարում է նա սուտ ու մուտ:  
Ամեն բանին կալ Հնար ու ճար.  
Այս իսկ զիշեր ես անպատճառ.  
Պիտ' փարատեմ իմ կասկածը,  
Ստուգեմ զբացուս Հաղորդածը»:

Երեկոյեան եկաւ նա տուն  
Ուրախ, ինչպէս սովորաբար,  
Սիրուն Աստղիկը իւր մարդուն  
Դիմաւորեց մտերմաբար,  
Փարուեց նորա պարանոցին,  
Սիւմեց նրան իւր փափուկ ծոցին,  
Եւ Համբոյրներ ջերմ, անընդհատ  
Իրօշմեց դէմքին առատ առատ:  
«Իմ սիրելի, իմ թանկագին,  
Քիչ ուշացար այսօր կարճես,  
Գիտես, որ քեզ կարօտագին  
Ամբողջ օրը սպասում եմ ես.

Երբ հեռու ես դու ինձանից  
Բոպէն տարի է թվում ինձ».  
Կանչեց Աստղիկը և կրկին  
Համբուրեց ու սխմեց գրկին:  
Նաև Եսայն, թէև սրտում  
Բուն էր դրել սև կասկածը,  
Չէր երևում մռայլ և տրտում,  
Որ չմատնէ իւր զգացածը.  
Նա իւր կնոջ փայփայանքին  
Պատասխանեց եռանդազին  
Եւ Համբուրեց նրա այտերը.  
Մի խօսքով լաւ խաղաց դերը:

Երբ Աստղիկը առանձնացաւ  
Ընթրիքից չետ իւր սենեակը,  
Հազիւ թէ հինգ բոպէ անցաւ:  
Զգոյշ դուրս եկաւ Եսայն բակը,  
Չեռին բռնած մի գաւազան,  
— Յարմար էր աստ լանգ աւազան—  
Եւ կամացուկ ու ուղղակի  
Մօտեցաւ դռանն այն սենեակի:  
Եսայն կամաց հրեց դուռը.  
Բայց չբացուեց, ներսից փակ էր.

Գուցէ սուտ էր դրացու լուրը,  
Գուցէ Աստղիկը մենակ էր,  
Գուցէ նա այժմ, ծունկ խոնարհած,  
Աղօթում էր բազկատարած,  
Խնդրում Աստծուց իւր ապերախտ  
Մարդու համար երկար կեանք, բաղդ:  
Իսկ նա ինքը—ամօթ իրան—  
Ի՞նչ է անում այդ ժամանակ,  
Իւր ամուսնուն սարգում գարան,  
Ինչպէս մի գող և աւազակ:  
Եթէ լանկարծ դուռը բանայ,  
Իուրս գայ Աստղիկը, իմանայ  
Իւր մարդու չար նպատակը,  
Ի՞նչ կասէ նրան այն հրեշտակը:  
Ի՞նչ երեսով պիտի նայէ  
Նա իւր կնոջ լոյս երեսին.  
Էլ կրտիրէ, կրփայլիայէ՞  
Կինը նրա պէս սևերեսին:  
Երդեօք լաւ չէ, որ հեռանայ,  
Քանի գեռ չէ գուրս եկել նա:—  
Ականջ դրեց, ներսը լուր էր:  
«Այո՛, լսածս սուտ լուր էր,»  
Մտածեց նա և հենց ուզեց  
Գնալ, մի վայրկեան չանցաւ միջոց,

Դռան ետևից լանկարձ լսուեց  
Ուրախ ծիծաղ ու պաշպչոց:  
Եսայ՛ն, նորից կանգնեց սառած,  
Եւ ականջները սուր լարած  
Լսում էր նա, ինչպէս ներսը  
Խօսակցում էին երկուսը.  
Մէկը Աստղիկն էր իւր կիներ,  
Կեղծ բարեպաշտն ու անամօթ,  
Զայնը նրա հետ խօսակցիներ  
Այր մարդու էր, բայց անծանօթ:

«Աստղիկ, սրտիս թագուհի դու,»  
Ըսում էր ձայնը տղամարդու.  
«Ա՛խ, մինչև երբ պիտ՛ դու և ես  
Տեսնենք իրար գողերի պէս:  
Ինչի՛, իբրև ծանր լանցանք,  
Պիտի թագցնենք մենք մեր սէրը,  
Սիրով կապուած ուրախ անցանք  
Մենք մանկութեան մեր օրերը:  
Մեզ երկուսիս իրար համար  
Ստեղծեց երկինքը բարերար,  
Նա վառեց մեր սիրտն ու հոգին  
Սիրով բորբոք ու կաթողին:

Բայց քեզ ինձնից խլեց Եսային,  
Ատելի է ինձ այդ անձը,  
Եւ ինչպէս դւ գոթիային  
Հոգիս տանջում է նախանձը:  
Էլ չեմ կարող ես աւելի  
Տանել վիճակս անտանելի,  
Էլ չեմ կարող իմ Աստղկին  
Թող տալ լինել ուրիշի կինս»

— «Ա՛խ, իմ Վահան, ճշմարիտ է,»  
Պատասխանեց մեր սիրունը,  
— Ընթերցողս արդէն գիտէ,  
Ով էր կրում այդ անունը—  
«Անտանելի է, անբնական  
Մեր դրութիւնը, իմ սիրական.  
Ինքս էլ արդէն, Հաւատն ինձ,  
Չանձրացել եմ իմ կեղծ դերից:  
Կեղծաւորուիլ ամենայն օր  
Ու ձեւանալ սիրահարուած,  
Մինչ իմ իղձն է, որ երկնաւոր  
Տէրն ամուսնուս տար մի Հարուած  
Եւ ազատէր ինձ այդ Հրէշից,  
Այդ բարեսիրտ, լիմար էշից,

Որի զազիր փայփայանքը  
Միայն դառնացնում է իմ կեանքը:  
Բայց ինչ արած, իմ սիրելի,  
Պիտի տանենք համբերութեամբ  
Մեր վիճակը անտանելի,  
Վարուինք խելքով ու զգուշութեամբ,  
Մինչև գտնենք միջոց ու հնար  
Ուղարկել նրան այն միւս աշխարհ,  
Որտեղից չէ վերադարձել,  
Ով մի անգամ այնտեղ գնացել:»—

«Ես գտել եմ այդ հնարը,  
Ահա այստեղ ունիմ պատրաստ»,  
Պատասխանեց սիրահարը.  
«Միայն պէտք է մեզ լինել ըզգաստ,  
Եւ կրհասնենք նպատակին:  
Այդ ինձ տուեց մի գնչու կին,  
Որ շատ ճարպիկ է և հմուտ  
Կախարդութեան արհեստում մութ:  
Տեսնում ես այս հեղանիւթը,  
Ոչ գոյն ունի, ոչ համ, ոչ հոտ  
— Ինչ որ խտտի է սա հիւթը,  
Բայց անունն է ինձ անձանօթ—

Սաստիկ է սրա զօրութիւնը,  
Եւ հաղուազիւտ յատկութիւնը.  
Զուտ է սպանում, չէ թողնում հետք,  
Մեզ էլ այդպէս մի ճար է պէտք:  
Երկու կաթիլ կերակրի հետ,  
Կամ թէ զինու բաժակի մէջ,  
Առանց ցաւի իսկոյն և եթ  
Նորա կեանքին կրգնեն վերջ:  
Այնուհետև ազատ ես դու,  
Միակ ժառանգը քո մարդու,  
Եւ մի միջոց անցնելուց լետ,  
Կըպտակուինք մենք իրար հետ»:

— «Շատ լաւ, Վահան, տուր ինձ: Վաղը  
Կըփորձեմ զբա զօրութիւնը,  
Թէ յաջողեց մերն է խաղը,  
Ապահովուած մեր զրութիւնը,»  
Ասաց Աստղիկը վճռապէս:  
«Սակայն հիմա պիտի շտապես,  
Իմ Վահանիկ, շուտ հեռանալ.  
Էլ չեմ կարող երկար մնալ  
Այստեղ: Վայ թէ մարդս յանկարծ  
Ռշանալուս կասկած տանէ,



Կորած է մեր յոյսը անդարձ,  
Եթէ ինձ մօտ քեզ գտանէ:»—

«Քարի դիշեր, իմ սիրունիկ»  
Եսաց Վահանը երջանիկ.  
Եւ մի բողբէ հազիւ անցաւ,  
Սենեակի դուռը բացուեցաւ:  
Երևեցան դռան շէմքին  
Սիրահարները գուարթադէմ,  
Մեռելի գոյն փռուած դէմքին,  
Եսայն կանգնած էր նոցա դէմ:  
Ճշաց Եստղիկը սարսափած  
Եւ վայր ընկաւ ուշաթափած:  
Եսայն քաշեց զաւազանը,  
Սակայն ճարպիկ էր Վահանը,  
Մի կողմը թռաւ և վազէվազ  
Լայնատարած անցաւ բակը,  
Եւ ապահով ու անվնաս  
Գուրս վազեց նա հրապարակը:  
Թալկացած կնոջը Եսային  
Ուշ չգարձրեց ամենևին,  
Եւ զաւազանը շարժելով  
Հայհոյելով, անիծելով,

Վազեց ինքն էլ, որ Վահանին  
Հասնի և իւր վրէժը հանէ,  
Մատնէ նրան իւր գաւազանին,  
Գլուխը ջարդէ ու սպանէ։...



2.



Սոյն միջոցին, երբ Եսային  
 Հալածում էր իւր ոստին,  
 Տարօրինակ շփոթ էր տիրում  
 Քաղաքի մութ փողոցներում:  
 Լսում էր ճիչ և աղաղակ.  
 Արդեօք ինչ էր գրա պատճառը,  
 Թշնամին էր մտել քաղաք,  
 Թէ Հրկիզվում էր տաճարը:  
 Եւ ոչ մէկն էր այդ երկուսից,  
 Ոչինչ վտանգ չկար գրսից,  
 Ոչ էլ սպառնում էր քաղաքին  
 Հրդեհի մնասը ահագին:

Զփոթի պատճառը ուրիշ էր,  
Ահա՛ ասեմ քեզ, ընթերցող,  
Գանձարանիցը այն զիշեր  
Յափշտակել էին շատ փող,  
Եւ ամեն կողմն արագ արագ,  
Թէ ձիաւոր, թէ հետեւակ  
Զրջում էին շատ զինուորներ,  
Կասկածաւոր մտնում տներ,  
Որոնելով արքունական  
Գանձի յանդուզն գողերին:  
Նոցա թուեց փախստական  
Մէկը Եսայն փայտը ձեռին,  
Եւ ձայն տուին ամեն կողմից.  
«Ահա՛ մէկը այն գողերից:  
Բռնիր, կապիր»: Զուրջ պատեցին  
Մեր Եսայուն ու կապեցին:  
«Խոստովանիր քո յանցանքը»,  
Գուաց նրա վրայ մեծաւորը,  
«Թէ չես ուզում, որ տանջանքը  
Յոյց տայ, ով է յանցաւորը.  
Մի՛ ուրանար, չես խարի ինձ,  
Անշուշտ մէկն ես դու այն խմբից,  
Որ կողոպտեց գանձարանը,  
Եւ քեզ սպասում է պարանը»:

— «Չեմ ուրանում, ես եմ գողը,»

Պատասխանեց մեր Եսային.  
Չգարմանայ ընթերցողը  
Իմ հերոսի պատասխանին:  
Երկինք, գետին վկայ կանչէր,  
Ոչոք նորան հաւտալու չէր,  
Թէ գողութեան մէջ արքունի  
Գանձարանից մասը չունի:  
Ինքը յուզուած, դէմքը գունատ,  
Վրդովմունքիցը շնչասպառ,  
Իւր գիմացի մարդուն նա շատ  
Կասկածելի պիտ' երևար:  
Այդ պատճառով ոչինչ տրտունջ  
Չլայտնեց նա, մնաց անմառնչ.  
Զինուորները նրան մէջն առան  
Եւ քաղաքի բանտը տարան:

**Մ**իւս օրը առաւօտը

Մեր կարծեցեալ չանցաւորին  
Զղթայակապ ձեռն ու ոտը  
Ներկայացրին թաղաւորին:  
Վեհապետի դէմ այլեզարդ  
Կանգնած էր մեր Եսայ'ն հանդարտ,

Նրա աչքերին նայում վստահ  
Եւ չէր զգում իւր սրտում ահ,  
Որովհետեւ յոյս ունէր նա,  
Ոչ միայն իւր անձն արդարացնել,  
Այլ թէ պիտի կարողանայ  
Արդարութեան ձեռք յանձնել  
Ամբողջ խումբը այն գողերի,  
Որոնք երեկ թագաւորի  
Քանձարանից յանդգնաբար  
Փախցրել էին մի մեծ գումար:

«Այ մարդ, դ՞ու ես գանձիս գողը»,  
Հարցրեց նորան ծեր իշխանը,  
«Ասա, ո՞ւր ես թագցրել փողը,  
Եւ ո՞վ էր քո օգնականը:  
Յանցանքդ չէ գործ մէկ մարդու,  
Գործակիցներ ունէիր դու.  
Ո՞վքեր են քո ընկերները,  
Յայտնի՞ր նոցա անունները:  
Թէ բոլորը մէկիկ մէկիկ  
Այս բոպէին խոստովանես,  
Խոստանում եմ կրկնապատիկ  
Պատիժդ կը մեղմացնեմ ես.

Ապա թէ ոչ, լաւ իմանաս,  
Քեզ սպասում է խիստ պատուհաս.  
Կախաղանի վրայ կրփթիս,  
Ազուաները կուտեն քո միտ»:

— «Երկար ապրի թագաւորս,  
Նորա թուրը լինի կտրուկ,  
Ոտիդ հողն եմ մեղաւորս,  
Դու իմ տէրը, ես քո սարուկ,»  
Ասաց Եսայն հանդարտ ու հեզ.  
«Վերև Աստուած, ներքև դու ես,  
Կրչանդգնիմ ես քո առաջ  
Խօսել կամ սուտ, կամ վայրահաճ:  
Խոստովանում եմ, որ մենակ  
Ես չեմ գողը քո փողերի,  
Բայց չգիտեմ ես խալտառակ  
Անունները միւս գողերի,  
Ընկերներին իմ անզգամ,  
Չեմ ճանաչում մինչև անգամ,  
Բայց կարող եմ ես բոլորին  
Վաղը յանձնել դատաւորին:  
Հրամայիր, տէր, տանեն ինձ ժամ  
Վաղն առաւօտ պատարագին,

Այնտեղ մէկ մէկ ես ցօյց կըտամ,  
Ով մասն ունի իմ լանցանքին:»—

«Սուտ ես ասում, [Թշուառական],  
Ահեղ ճայնով կանչեց արքան,  
«Չեմ հաւատում քո խօսքերին.  
Քեզ կըմատնեմ գազճի սրին,  
Թէ մի բոպէ մինչև անգամ  
Չարունակես քո ստութիւնն,  
Եւ չյայտնես յօժարակամ  
Ինձ կատարեալ ճշմարտութիւնն:  
Ես պահանջում եմ քեզանից,  
Իսկոյն մէկ մէկ անուանես ինձ  
Քո լանցաւոր ընկերներին,  
Քանձիս լաղուզն զողերին:  
Հասկանում եմ քո մխտքը չար,  
Սակայն ունայն է քո լոյսը,  
Թէ սուտ խօսիս, չկայ քեզ ճար,  
Իլ չես տեսնի վաղուայ լոյսը»:

—«Երկայնամիտ եղիր, արքայ,  
Սուտ չեմ խօսում Աստուած վկայ,»



Ասաց Ասայ՝ն պաղատագին.  
«Եթէ վաղը պատարագին  
Եկեղեցում չցուց տամ ես  
Իմ մահապարտ ընկերներին,  
Պապուհասիր, ինչպէս կուգես.  
Չէ որ իմ կեանքն է քո ձեռին:  
Թէ ասածս չհաստատեմ,  
Միայն մէկ օր պիտ' աշխատեմ,  
Ոչ աւելի: Խօսել չարժէ.  
Այսօր խնայէ, վաղը պատժէ:» —

Թագաւորի դէմքին խաղաց  
Մի ողորմած թեթեւ ժպիտ,  
Կալանաւորը երևաց  
Նրան զուարճախօս ու սրամիտ:  
«Զմտ լաւ», ասաց, «մինչև վաղը  
Զարունակիր դու քո խաղը.  
Կրտեսնենք, թէ ինչ աստիճան  
Կունենայ դա յաջող վախճան»:  
Ապա դարձաւ զինուորներին.  
«Տարէք սորան կրկին բանար,  
Ես վստահ եմ, որ ձեր ձեռին  
Ապահով է այս աւանդը,

Լաւ հսկեցէք մինչ առաւօտ,  
Մարդ չթողնէք գայ սորա մօտ,  
Յետոյ առանց կապանքների,  
Գուք էլ առանց ձեր գէնքերի,  
Ծպտեալ կերպով տարէք ձեզ հետ  
Եկեղեցի և ուշ դարձրէք.  
Ում որ ցոյց տայ, իսկոյն և եթ  
Բռնեցէք և ինձ մօտ բերէք»:

Հետեւեալ օրն էր կիրակի.  
Եկեղեցում պատարագի  
Կատարվում էր սուրբ խորհուրդը,  
Աղօթում էր ժողովուրդը:  
Այնտեղ էր և մեր Եսային,  
Կանգնած մի կողմը պատի մօտ,  
Եւ նորա շուրջ կանգնած էին  
Պաշապաններն հեռու ու մօտ.  
Հսկում էին նորա վերայ,  
Որ մի գուցէ թէ փախչի նա.  
Իսկ նա դիտում ժամօրներին,  
Թէ մատաղհաս, թէ ծերերին:  
Այդ միջոցին տեսաւ նա անդ,  
Սուրբ պատկերի առաջ չոքած,

Մէկն աղօթում էր ջերմեռանդ,  
Երևի էր շատ երկիւղած.  
Խաչակնքում էր երեսը,  
Չէր նայում ոչ դէն, ոչ դէսը,  
Սրտի խորքիցը հառաչում  
Եւ բարձրաձայն «մեղայ» կանչում:  
Եօայ՛ն կամաց ասաց կողքին  
Կանգնող զինուորներից մէկին.  
«Ահա՛ գողը, տալիս եմ ցոյց,  
Դուրս տար նորան եկեղեցուց»:  
Յետոյ տեսաւ մի անկիւնում  
Կանգնած երկրորդ աղօթողին,  
Որ շարունակ ծունր էր դնում  
Ու ճակատը կպցնում հողին.  
Ծեծում էր կուրծքը չարաչար,  
Մրթմրթում էր «Այսօր անճար»,  
Կամ բազուկները տարածած,  
Արձանանում էր քարացած:  
Եօայ՛ն դարձաւ միւս զինուորին.  
«Ահա՛ երկրորդ իմ ընկերը,  
Զուտով նաև մնացածներին  
Մէկ մէկ կըտամ ես ձեր ձեռք»:  
Մի այլ կողմը նայեց տեսաւ  
Մի մարդ բրդոտ, ինչպէս Եսաւ,

Կուչ էր եկել կորագլուխ,  
Կարծես աղօթքը սրտարուխ  
Չէր պակասում շրթունքներից:  
Եսայ՛ն ասաց մի երրորդին.  
«Նա էլ է իմ ընկերներից,  
Այն կուչ եկած աղամորդին»:  
Այսպէս վեց մարդ կարճ միջոցում  
Բռնել տուեց եկեղեցում,  
Որոնց տեսնողն անշուշտ կասէր.  
Ի՛նչ արդար են ու ժամասէր:

Երկրորդ օրը նոցա տարան,  
Ներկայացրին թագաւորին.  
Էլ խաչ ասես, աւետարան,  
Ողջ սրբերին վկայ բերին,  
Թէ ի գուր են ամբաստանուած,  
Թէ նոքա զոհ են անաստուած  
Եւ չար մարդկանց զրպարտանքին,  
Թէ անմասն են այն յանցանքին,  
Որում նոցա մեղադրում են,  
Արժանի չեն անարգանքին,  
Որ այժմ նոքա անմեղ կրում են.  
Թէ յայտնի են ողջ քաղաքին

Նոքա, իբրև ազնիւ մարդիկ,  
Իբրև խաղաղ քաղաքացիք,  
Որոնց անուան անբիծ, մաքուր  
Երբէք կպել չէ կեղտ կամ մուր:

«Լաւ էք ասում», ասաց արքան  
Եւ կուտակեց իւր լոնքերը,  
«Մեզ կըպարզէ այդ առարկան  
Ձեր յանցակիցն ու ընկերը:  
Ներս բերէք այն յանցաւորին»,  
Սոաց արքան զինուորներին.  
«Տեսնենք այդպէս վստահ ու քաջ  
Կըխօսի՞ք դուք նորա առաջ»:  
Իսկոյն գնացին երկու զինուոր  
Եւ ներս բերին իմ հերոսին,  
Գողերի խումբը յանցաւոր  
Ապշած նայեց նրա երեսին:  
«Առաջ արի, այ մարդ, և զուտ  
ձշմարտութիւն խօսիր, ոչ սուտ»,  
Գարձաւ արքան դէպի Սոայն.  
«Մօտեցիր, տես, սոքան են այն  
Չարագործներն ու գողերը,  
Որոնք անցեալ զիշեր քեզ հետ

Գանձարանից իմ փողերը  
Գողացան ու եղան անհետ:»

— «Այո՛, տէր իմ, այս վեց հոգին  
Մասնակից են իմ յանցանքին»,  
Պատասխանեց Եսայ՛ն Հանդարտ.  
Թող ստեն ինձ, թէ են անսլարտ:

Գողերը լուռ կանգնած այնտեղ  
Մեր Եսայուն էին նայում:  
«Գիտեմ, որ այս մարդն է անմեղ,  
Ինչի՛ չէ իւր անձը խնայում»,  
Մտածում էր ամեն մէկը.  
«Միթէ կորցրե՛լ է իւր խելքը:»  
Եւ նոցանից գլխաւորը  
Գարձաւ գէպի թագաւորը.  
«Տէր թագաւոր, ճշմարիտ է,  
Մենք գողացանք քո փողերը,  
Բայց այս մարդը ինչի՛ց գիտէ,  
Թէ իրաւ մենք ենք գողերը.  
Որովհետեւ մենք բոլորս էլ  
Երբէք սորան չենք էլ տեսել.

Սա մեր ընկերը չէ, արքայ,  
Այստեղ ինչ որ մի գաղտնիք կայ:»

«Պարզիր, այ մարդ, այդ գաղտնիքը,»  
Գարձաւ արքան դէպի Եսայ՝ն.  
«Դու լսում ես, այս մարդիկը  
Ուրանում են միանգամայն,  
Թէ դու ընկեր ես սոցա Հետ:  
Բայց ինձ Համար էիր լաւ դէտ:  
Փոխարէն քո ծառայութեան  
Արժանի ես վարձատրութեան:  
Այժմ ասան, արդեօք ինչպէս  
Ճանաչեցիր դու այս մարդկանց,  
Քանի որ դու պատկանում չես  
Սոցա խմբին օրինազանց:  
Միթէ տուել է բնութիւնը  
Քեզ Հազուադիւտ լատկութիւնը,  
Որ նայելով մարդու դէմքին,  
Թափանցում ես նորա Հոգին:»

—«Ո՛չ, տէր արքայ, դա առանձին  
Հազուադիւտ ձիրք է բնատուր,

Որ չէ տուած նուաստիս անձին,  
Իմ աչքերը չեն այդքան սուր:  
Թէ յաջողեց ինձ այս գործը,  
Նպաստողն էր կեանքիս փորձը.  
Թո՛ղ տուր, տէ՛ր իմ, երկու խօսքով՝  
Պարզեմ ասածս օրինակով:  
Երեք ամիս հաղիւ լինի,  
Ինչ որ առայ ինձ ամուսին  
Մի օրիորդ առաքինի  
Եւ զեղեցիկ, ինչպէս լուսին,  
Երբ նա լրացած աստեղազարդ  
Երկնքումը ճեմում հանդարտ:  
Իւր հօր տանը պարկեշտ սնուած,  
Եղօթասէր և երկիւղած:  
Եմեն զիշեր բնթրիքից լետ  
Կինս գնում էր մի սենեակ,  
Եւ առաջ քան քնէր ինձ հետ,  
Եղօթում էր այնտեղ մենակ:  
— Այդպէս էր և մեր պայմանը.  
Նա պահանջեց, որ իմ տանը  
Մի առանձին սենեակ տամ նրան  
Նորա համար աղօթարան:—  
Վայելելով փոխադարձ սէր,  
Եպրում էինք մարդ ու կնիկ,



Մեզ տեսնողը անշուշտ կասէր.  
Ահա սոքա են երջանիկ:  
Սակայն, ափսոս, շատ կարճատև  
էր իմ բազարը, որովհետև  
Համոզուեցայ ես անցեալ օր,  
Որ կինս իմ դէմ է լանցաւոր:  
Ինձ հաղորդեց իմ դրացին,  
Որ գիշերները իմ տանը  
Սիրականի հետ առանձին  
Տեսնւում է այն անպիտանը:  
Եւ գիշերը, երբոր կրկին  
Կինս գնաց իւր աղօթքին,  
Սենեակի դռանը մօտեցայ  
Փայտը ձեռիս ու թաղ կացայ:  
Ականջ դրի, ներսը լուռ էր,  
Կարծես այնտեղ ոչոք չկար,  
Գուցէ կնոջս ի գուր էր  
Ամբաստանել դրացին իմ չար:  
Քայց լուռ թիւնը շատ չտուեց,  
Անմիջապէս նրան հետևեց  
Ուրախ ծիծաղ, և բազտաւոր  
Սիրահարները տարփաւոր,  
Որոնք չէին սպասում անշուշտ,  
Թէ կարող է մէկը լսել

Համբուրելով իրար անկուշտ,  
Ըսկսեցին լետոյ խօսել.  
Եւ վճռեցին նոքա այնտեղ,  
Ուտեցնելով ինձ մահագեղ,  
Հասնեն իրանց նպատակին,  
Այն է ապրեն իբր այր ու կին:  
Փոքրից լետոյ, մին էլ տեսնեմ,  
Սենեակի դուռը բացուեցաւ,  
Ու շէմքի վրայ ծիծաղագէմ  
Յանցաւոր գոյգն երևեցաւ:  
Ինձ տեսնելով, կինս ճչաց  
Եւ վայր ընկաւ ուշաթափած.  
Իսկ սիրականը դուրս թռաւ.  
Ու գող շան պէս շտապով փախաւ:  
Ես վազեցի նրա ետեւից,  
Որ շանսատակ անեմ նորան.  
Այդ միջոցին բռնեցին ինձ  
Ջինուորներն ու բանտը տարան:  
Այնտեղ մենակ նստած խցում,  
Արկածքիս վրայ էի մտածում.  
Ինձ համոզեց կնոջս վարքը,  
Որ ստով լիքն է աշխարհքը.  
Եւ որ նոքա, որոնք իրանց  
Յոյց են տալիս սուրբ, բարեպաշտ,

Հենց նոքա են օրինազանց,  
Արդարութեան ոտիս անհաշտ:  
Եւ որ սխալուած չեմ ես, արքայ,  
Կարծեմ դորան կասկած չկայ:  
Քո առաջն է ապացոյցը:—  
Ես վերջացրի, տէր, իմ ցոյցը:»—

«Եւ ես շատ գոհ եմ քեզանից»,  
Պատասխանեց թագաւորը,  
«Ծառայութիւն մեծ արիւր ինձ,  
Եւ չի պակսի քեզ իմ շնորհը:  
Ասա, ինչով կարող եմ ես  
Փոխարէնը վարձատրել քեզ:  
Խնդրիր վստահ, միամիտ կնոց,  
Ես քո արքան եմ ողորմած»:


—«Երջանիկ եմ, վեհափառ տէր,»  
Ասաց Ասայն, որ ծառայիդ  
Քեզ ծառայել անձնանուէր  
Հանդիպեցաւ պատէհ առիթ:  
Քայց ոչինչ շնորհ մի առանձին  
Չեմ խնդրում, տէր, ես իմ անձին.

Նոյնը կանէր ամեն բարի  
Հպատակ, ինչ որ ես արի:  
Բայց մի խնդիրք ունիմ, արքայ,  
Աղաչում եմ, չանես անտես.  
Իմ նենգաւոր ու լիրբ կնկայ  
Չեռից, խնդրեմ, ինձ ազատես:  
Ինքը լուծեց անառակը  
Իւր վատ վարքով մեր պսակը.  
Նա, որ պղծեց, տէր, իմ տունը  
Թող չկրէ իմ անունը:

«Քո խնդիրքը չէ հակառակ»,  
Ասաց արքան, «մեր օրէնքին,  
Կրպատժուի քո անառակ  
Կինն համեմատ իւր յանցանքին:  
Գնա՛, ազատ ես նորանից,  
Հանիր արտաքս քո տանից,  
Եւ թէ ունիս յօժարութիւն,  
Մտիր երկրորդ ամուսնութիւն»:

— «Ո՛չ, տէր արքայ, Աստուած չանէ,  
Երկրորդ անգամ լիմարանամ.

Թէ կին առնելը ինչ բան է,  
Այդ վայելքին առայ ես համ.  
Էլ չեմ ուզում,» ասաց Եսայն,  
«Կրկին անգամ փորձել ես այն:»—  
Գլուխ տուեց ու հեռացաւ.  
Ահն առախս էլ վերջացաւ:




## ՎԵՐՋԱՅԵՆ:



Երջացնելով իմ առակը,  
Պէտք է խնդրեմ ներողութիւն,  
Թէ պատճառեց այս տեսրակը,  
Իմ ընթերցող, քեզ ձանձրութիւն.  
Գուցէ ոճը ծանր է, դանդաղ,  
Նիւթը գրաւիչ չէ բաւական,  
Յանգը շատ տեղ ընթանում կաղ,  
Կամ անտեղի շեղումներ կան,  
Որոնցից հեշտ էր խուսափել,  
Թէ վերջերում չէի շտապել:  
Ես լոյս ունիմ, թէպէտ և խիստ,  
Քալց կը դատես դու ինձ տրդար,

Որովհետև խիղճս է հանգիստ,  
Թէպէտ և զրիչս չէ ճարտար:  
Եթէ ես էլ գործ ածէի  
Հայր Խորէնի «Յանգարանը».  
Այնպիսի բան կը ստեղծէի,  
Որ զարդարէր թանգարանը.  
Ես երգում եմ, իրբև գուսան,  
Ինչոր ազդում է ինձ մուսան:  
Դորա համար գուցէ երգս  
Հնչում իրբև պարկապզուկ  
Մի աղային, որին երկս  
Հաճելի չէ, որին թգուկ  
Երևում են բոլոր մարդիկ.  
Միայն ինքն է մեծ, ինքն է հանճար.  
Նրան համոզել զուր կաշխատիք,  
Թէ նա մեծ չէ, այլ միայն երկար:  
Բայց արգելում չէ ոչովին  
Մեծ համարել ինքնագովին:  
Գարնան վարդի երգչի տաղը  
Երկարականջը լսելով,  
Ասաց. «Մեր տան աքաղաղը  
Բարձր է քեզնից երգ հիւսելով:»  
Չենք զարմանում մենք այդ բանին,  
Այլ կերպ կարող չէր նա դատել.

Այդպէս լատուկ է անբանին  
Ուրիշներին գնահատել:...



ՄՏՈՒԳՎԱԾ Է 1971 թ.

